

周易述補

周易述補敘

元和惠君定宇著周易述二十卷未竟而卒闕自鼎至未濟十五卦序卦雜卦二傳德州盧運使序而刻之其闕帙如故慎之也易家之厯雜如王韓之鑿宋人之陋太極河洛之誕此在

國初諸儒黃宗炎氏毛奇齡氏胡渭氏皆能言其非者然從未有盡祛魏晉以來儒說之異而獨宗漢易者也漢易最深者無過荀氏虞氏其說今僅散見於李氏鼎祚集解中後儒土苴視之而不以爲易之準的是易終爲幽渺不可知之書愚者怖之陋者鑿之

而漢之師法盡亡矣雖然漢易豈易言哉裴松之三國志注引虞翻別傳曰翻高祖父故零陵太守光少治孟氏易至祖父鳳爲之最密世傳其業至翻五世則虞所注者孟氏學也陸氏釋文曰箕子之明夷劉向云今易箕子作荑滋鄒湛云訓箕爲荑詁子爲滋漫衍無經以譏荀爽而箕子者萬物方荑滋也其說出於孟喜弟子趙賓則荀所注者亦孟氏學也漢書儒林傳乃曰孟喜從由王孫受易詐言師田生且死時獨傳喜同門梁邱賀疏通證明之又蜀人趙賓好小數書後爲易持論巧慧易家皆曰非古法也云受

孟喜若然荀虞之學幾於師承不明是班所述已昧經師之授受而啟學士之疑惑易學之亂不待唐宋以還也惠君生千餘年後奮然論著取荀虞旁及鄭氏干氏九家等義且據劉向之說以正班固之誤蓋自東漢至今未析之大疑不傳之絕學一旦皆疏其源而導其流不可謂非一代之儒者宗也予讀其書而惜其闕思欲補之自懼寡陋未敢屬草癸卯春在京師聞旌德江君國屏爲惠氏之門人作周易述補心慕其人未得見也次年客揚州汪容甫始介予交江君讀其所補十五卦引證精博羽翼惠氏皆予所欲爲而不能爲者江君屬

予序之予以爲江君體例同於惠氏茲不再論獨惠氏之書彖下傳家人女正乎內男正乎外注內謂二外謂五象下傳澤无水困注水在澤下故无水木上有水井注木上有水上水之象猶不免用王弼之說江君則悉無之方之惠書殆有過之無不及也歟凌廷堪敘

周易述補十五卦

周易述卷八

門人江藩集注并疏

周易下經

三三

商宮二世卦消息內卦五月外卦六月

鼎元吉亨注吳木於下為鼎象析木以爨也大壯上之初

與屯旁通天地始交故元吉屯三變陽成既濟故亨疏

吳為木故曰吳木於下商為火吳為木爨以木火鼎亨熟物之象故曰析木以爨也此許慎說文解字文大壯上之初者虞氏之卦義大壯乾下震上震上爻之初乾初爻之上商成鼎與屯旁通者爻之反也屯彖傳曰剛柔始交而難生故曰天地始交又曰動乎險中大亨貞動謂屯三動成既濟六爻皆正陰陽氣通故元吉亨也

初六鼎顛趾利出否得妾以其子无咎注趾足也應在四

大壯震爲足折入大過大過顛也初陰在下故否利出
之四故曰利出兌爲妾四變得正成震震爲長子繼世
守宗廟而爲祭主故得妾以其子无咎矣九二鼎有實
我仇有疾不我能卽吉注九二陽爲實鼎之實也故曰
鼎有實怨耦曰仇卽尼也尼近也二應四四不得正與
二爲仇然四已屋誅故曰我仇有疾不我能卽者四不
能近二也故吉九三鼎耳革其行塞雉膏不食方雨虧
悔終吉注動成兩坎坎爲耳鼎耳之象倒鼎爲革故曰
鼎耳革鼎以耳行耳革行塞商爲雉坎爲膏革體兌兌
爲口口在上故不食四變三動而成坤坤爲方坎爲雨

故曰方雨三動虧乾故悔終復之正故終吉也九四鼎
折足覆公餗其刑剝凶注糝謂之餗震爲竹竹筍曰筍
筍之爲菜也餗美饌是八珍之食剝讀如屋誅之屋鼎
三足三公象若三公傾覆王之美道屋中刑之六五鼎
黃耳金鉉利貞注坎爲耳陰爻居中故稱黃耳鉉鼎局
也長三尺乾爲金故金鉉動而得正故利貞上九鼎玉
鉉大吉无不利注鉉謂三乾爲玉鉉體大有上九自天
祐之位貴居五三動承上故大吉无不利疏趾足至无
咎矣○此
虞義也九四爻辭曰鼎折足故曰應在四大壯震爲足
者大壯上之初初爲震爻說卦傳曰震爲作足故曰大
壯震爲足也卦互體兌兌爲毀折故曰折八大過大過
顛也雜卦傳文陰爲否四動成陰互有震象說卦傳曰

帝出乎震故震爲出震爲出故利出互體兌故曰兌爲
妾兌爲妾說卦傳文震彖傳曰出可以守宗廟社稷以
爲祭主是震爲長子守宗廟而爲祭主也公羊傳曰母
以子貴蓋兌雖賤妾而有震之長子故无咎也○九二
至故吉○京房易傳曰陽實陰虛明暗之象故曰九二
陽爲實也怨耦曰仇鄭注也耦爾雅釋詁曰匹也卽尼
也釋詁文尼近也說文解字文四以陽居陰故不得正
○動成至終吉也○三動成坎自三至五又成坎卦故
曰兩坎說卦傳曰坎爲耳說文解字曰鼎三足兩耳故
曰鼎耳之象此虞義也倒鼎爲革者反卦義也陳卦傳
曰否泰反其類也虞注曰否反成泰泰反成否荀爽曰
三百八十四爻動行相反革說文解字曰獸皮治去其
毛曰革鼎以耳舉行去耳不可行雉膏鄭氏曰食之美
者商爲雉說卦傳文坎爲膏虞氏逸象義兌爲口說卦
傳文四變成陰三動成陰自三至五五成坤體九家易
曰坤爲方自二之四爲乾三動成陰則乾體有虧矣終
復之正者動而不變也○慘謂至刑之○此鄭義也慘
說文曰以米和羹也陳本作饔饔說文曰鼎實惟葦及
蒲陳留謂饔爲饔鄭氏易注曰一作藾一作藾非當作
饔爾雅釋器菜謂之藾藾非亦當作饔詩大雅韓奕云

其藪維何維筍及蒲毛傳云藪菜穀也藪亦當作鬱故鄭氏曰竹筍曰筍筍者菜之餽也震爲竹說卦文陸元朗易釋文虞云餽八珍之具也故曰八珍之食劇讀如屋誅之屋又曰屋中刑之者周禮秋官司烜氏邦若屋誅則爲明窺焉鄭氏彼注曰屋讀如其刑劇之劇劇誅謂所殺不於市而以適甸師氏者也漢書敘傳曰底劇鼎臣服虔云周禮有屋誅誅大臣於屋下不露也俗本作形屋非○坎爲至利貞○陰爻居中故稱黃耳易例稱黃者坤六五黃裳離六二黃裔遯六二黃牛革初九黃牛指二鼎六五黃耳文言曰天元而地黃故爻辭稱黃中者皆謂陰爻居中也士冠禮設局簠鄭注今文局爲鉉局鉉古今字故曰鉉鼎局也長三尺者冬官考工記匠人曰廟門容大局七個鄭注大局牛鼎之局長三尺說文鼎字說以木橫貫鼎耳而舉之周禮廟門容大鼎七個卽易玉鉉大吉也鉉字說曰舉鼎具也易謂之鉉禮謂之鼎許君以鉉鼎爲一物然禮云設局鼎明是兩物若云一物則士喪禮不當言取鼎委于鼎北加局不坐矣鼎鉉二義似非許君之言疑後人增入乾爲金說卦文○鉉謂至不利○此虞義也爻例三謂三公五爲天子故曰謂三乾爲玉說卦文鉉體大有說見大有

九三疏三動成
陰故曰承上

三三
八純卦象雷
消息春分

震亨注臨二之四天地交故通震來虩虩笑言啞啞注虩

虩恐懼貌謂四也來應初命四失位多懼之內曰來啞

啞笑聲謂初也震驚百里不喪匕鬯注謂陽從臨二陰

數二爲百二十舉其成數故百里也坎爲棘七上震爲

鬯坤爲喪二上之坤成震體坎故得其七鬯疏臨二至

此虞義也臨二之四者之卦義也臨爲二陽之卦三動

成乾虞氏臨卦注曰乾來交坤動則成乾故曰天地交

也○虩虩至初也○此虞義也說文曰虩一日蠅虎陸
希聲曰虩蠅虎始在穴中跳躍而出象人心之恐動也
故曰恐懼也四自臨來應初故曰來應初命四以陽居
陰失位內內卦也啞說文曰笑聲謂初得正而笑四之

失位○謂陽至七變○此虞義也謂陽從臨二者二之
四也陰數二四變成坤坤數六二六一百二十坤六爻
之策也云百里者舉成數也坎為棘七震為鬯坤為喪
虞氏通象義詩小雅大東有採棘七毛傳七所以載鼎
實棘赤心也雜記七以桑長三尺或曰五尺鄭注七所
以載牲體此謂喪祭也吉祭用棘陸績云棘七撓鼎之
器鬯鄭注曰秬鬯芬芳條鬯因名焉周禮鬯人掌共秬
鬯而飾之鄭司農云鬯香草郊特牲周人尙臭灌用鬱
鬯上震者上卦也二上之坤者虞氏之卦義乾二五之
坤成震坎艮故曰成震體坎者互體坎也上震為鬯坎
為棘七皆在本體
故曰得其七鬯

初九震來虩虩後笑言啞啞吉注初位在下故言後六二

震來厲噫喪貝躋于九陵勿逐七日得注厲危也乘剛

故厲噫惜辭坤為喪三動成离离為羸蚌故稱貝在艮

山下故稱陵震為足足乘初九故躋于九陵震為逐謂

四已體復象故喪貝勿逐离爲日震數七故七日得六
三震蘇蘇震行无眚注死而復生稱蘇春秋傳晉獲秦
謀六日而蘇三死坤中動出得正震爲生故蘇蘇坎爲
眚三出得正坎象不見故无眚九四震隊泥注坤土得
雨爲泥位在坎中故隊泥六五震往來厲噫无喪有事
注往謂乘陽來謂應陰失位乘剛故往來厲也事謂祭
祀之事出而體隨王用亨于西山則可以守宗廟社稷
爲祭主故无喪有事也上六震索索視矍矍征凶震不
于其躬于其鄰无咎婚媾有言注索索猶縮縮足不正
也矍矍目不正震爲征故征凶四變坤爲躬鄰謂五四

日食在朔月食在望天地盈虛與時消息而況於人乎

況於鬼神乎注五息成乾爲盈四消入坤爲虛天地盈

虛也乾爲神爲人坤爲鬼人與鬼神亦隨時消息疏三

至天下○四宜之五得其盛位故曰四宜之五尙大也
五動互乾五動成陽四動成陰而互兩離離象曰重明
以麗乎正乃化成天下故曰重明麗正宜照天下也○
稷讀至側也○此孟荀義也易釋文廂孟作稷此孟氏
古文也通中侯握河紀曰昉明禮備至於日稷康成曰
稷讀曰側故曰讀如日日側之側曰日側儀禮既夕文
鄭注側昉也周禮司市注日廂昉中也昉說文尙冥也
從日勿聲昉說文無此字稷側廂古文通是俗字也商
九三爲日側者商九三日廂之商荀注曰初爲日出二
爲日中三爲日廂日在西方時側說文解字文○五動
至在望○八卦納甲月之行生震見兌盈於乾甲甲十
五日也詩小雅十月之交正義曰古麻緯及周髀皆言
周天三百六十五度四分度之一日月皆右行於天日
日行一度月日行十三度十九分度之七是月行疾日

行遲二十九日有餘而月行天一周追及於日而與之
會是會之交也每月皆交會而月或在日道表或在日
道裏故不食其食要於交會又與日同道乃食也唐以
前麻家言日食月食者皆如此然麻法以日食定朔故
詩云十月之交朔日辛卯又春秋傳曰不書朔官失之
也秦漢以來麻差莫詳多非朔食唐傳仁均三大三小
麻日食常在朔月食常在望傳仁均偏於中氣行之未
久而日月食比不效蓋偏於中氣故不效然日食在朔
月食在望其說與一行新麻西法皆合所以日月食在
望也乾甲十五日也故云○五息至消息○此虞義也
五息成乾爲盈者乾盈於甲乾爲盈也四消入坤爲虛
者漢書律麻志曰天數五地數六六爲虛是坤爲虛也
故天地盈虛史記麻書太史公曰皇帝考定星麻建立
五行起消息注皇侃曰乾者陽生爲息坤者陰死爲消
五動成乾故五息成乾爲盈也四變陰成坤故四消入
坤爲虛也與時消息謂十二月消息也乾爲神人坤爲
鬼虞氏
逸象義

旅小亨柔得中乎外而順乎剛止而麗乎明是以小亨旅

貞吉也

注否三升五柔得中於外上順於剛止艮也明

商也旅之時義大矣哉

注商日麗天懸象著明莫大乎

日月故義大也

疏否三至商也○此蜀才義也卦自否

得中故曰柔得中也外外卦也順剛者順上九也○商

日至大也○此虞義也天謂否乾也懸象著明莫大乎

日月繫

辭文

重巽以申命注巽為命令剛巽乎中正而志行注剛中正

五也二失位動成坎坎為志終變成震震為行柔皆順

乎剛是以小亨利有攸往利見大人

注柔初與四也疏

巽為命令○此陸績義也荀慈明日巽為號令象曰君子以申命行事故曰巽為命令○剛中至為行○此虞義也二以陽居陽故失位動而成陰為坎坎為志虞氏逸象義終變成震見本卦九五注○柔初與四也○剛

二五也陸績曰陰爲卦主
故小亨謂遂二之四也

兌說也注懌也言也剛中而柔外說以利貞注二三四之

正則利貞是以順乎天而應乎人說以先民民忘其勞

說以犯難民忘其死注乾爲天五也人謂三坤爲順二

變順五承三順乎天應乎人也兌爲說坎爲勞坤爲民

坎爲心民心說服忘其勞也體屯故難坎心爲忘坤爲

死說以犯難民忘其死也說之大民勸矣哉注體比順

象故民勸勸勉也疏懌也言也○說文曰兌說也說釋

集解誦習以時學無廢業所以悅懌故曰懌也仲翔曰

震喜兌說說懌也夫兌爲學是以象曰君子以朋友講

習學而後能言故呂覽勸學篇曰說者兌之也非說之

也今世之說者多弗能兌而反說之夫弗能兌而反說

說文曰脛臑也。拊釋文作承。虞作拊。今從虞。俗作拯。非也。故曰震爲動。坎爲心。說卦文。○限腰至作熏。○此虞義也。正義曰。限身之中。人繫帶之處。故曰限。腰帶處也。坎爲腰。虞氏逸象義。五來之三者。觀五之三也。寅鄭作臚。韓詩外傳引此。亦作臚。臚非古字。本或作寅。寅寅古宇。通寅。說文訓臚也。馬氏注曰。寅夾脊肉也。故曰寅脊肉。坎爲美脊。說卦文。故曰坎爲脊。艮爲手。說卦文。震起艮止。雜卦文。裂綻也。內則曰衣裳綻裂。紉箴請補綴。說卦傳曰。坎爲極心。故曰坎爲心。艮爲闔寺。說卦文。闔說文曰。常以昏閉門隸也。闔守門人者。禮祭義。闔者守門之賤者也。坎爲盜。說卦文。古闔作熏者。古今字也。馬氏注言熏灼其心。虞君譏之曰。未聞易道以坎水熏灼人也。○身孕至无咎。○此虞義也。詩大雅大明。大任有身。生此文王。傳身重也。箋重謂懷孕也。正義曰。以身中復有一身。故言重。故曰身孕也。五動則四體商者。五動成陽從三至五。互有商象。商爲大腹。故艮其身。商爲大腹。說卦文。得正者。以陰居陰也。陰承陽。故曰承五受陽。施者。陽施陰受。猶繫辭言男女媾精也。○輔頰至悔亡。○此虞義也。輔說文曰。人頰車也。自三至上有艮震象。故

日有頤象也說卦傳曰坎其於輿也爲多眚故曰坎爲車卦五體坎三爲坎爻自三至上爲頤象頤在三上故曰在坎上也輔車相依唇亡齒寒左傳僖公五年文杜預注曰輔頰輔車牙車劉熙釋名曰輔車其骨強所以輔持口也或曰牙車牙所載也或曰頰車所以載物也或曰鼪車鼪鼠之食積於頰人食似之故取名也楚詞大招鼪輔奇牙宜笑嫣然而笑尤娟好輔一作輔淮南子鼪輔有鼪輔口有奇牙嫣然而笑尤娟好輔一作輔淮南子鼪輔在頰前則好在頰則醜高誘注鼪輔者頰上室也室者在頰似樂故醜高訓鼪輔與頰爲二許慎訓爲一毛詩傳倩好口輔也輔當作輔輔與輔說文分別甚明於輔曰人頰車也於輔曰頰也頰車以口中骨言齒牙所載也頰以面言面旁也然則左傳輔車不可作輔凡言鼪輔不可作輔咸卦之輔當作輔何以明之虞云耳目之間稱輔頰本卦之輔虞云頰車故從車然說文釋名皆以輔頰爲一物而惠徵君咸卦疏據淮南子鼪輔在頰前則好之語以說文以輔爲頰爲非蓋輔頰古人或以爲一物或以爲兩物未可以許君爲非也又云頰所以含物輔所以持口則又誤輔爲輔矣六五以陰居陽故失位動而得正者動而不變也有孚王弼本作有序今改從虞

氏孚信也人言為信故曰孚也○邱一至象也○邱一成為敦邱爾雅釋邱文郭璞注曰成猶重也周禮秋官司儀將合諸侯則令為壇三成鄭司農曰三成三重也爾雅曰邱一成為敦邱故郭注曰成猶重也敦艮者重邱也象曰兼山艮內外卦為兩山上為兼山之象故曰兼山之象也

三三三消息正月

漸女歸吉利貞注否三之四女謂四歸嫁也反成歸妹兌

故女歸坤三之四承五進得位往有功故吉初上失位

故利貞疏

此虞義也否三之四者否坤下乾上三之四四之三而成漸四本否坤坤妻道也故曰女

謂四穀梁隱公二年傳曰禮謂嫁曰歸反曰來歸故云歸嫁也反成歸妹兌者父之反也漸與歸妹旁通也歸妹體兌兌為少女故女歸也坤三之四以陰居陰進得位往有功故吉初以陰居陽故失位

初六鴻漸于小子厲有言无咎注鴻大雁也商五為鴻

漸進也干水旁厓也小水從山流下稱干艮爲山爲小
徑坎水流下山故鴻漸于干也艮爲小子初失位故厲
反成歸妹兌兌爲口舌故有言六二鴻漸于般飲食衎
衎吉注艮爲山石坎爲聚聚石稱般衎樂也初變得正
體噬嗑坎水陽物在頤中故飲食衎衎得正應五故吉
九三鴻漸于陸夫征不復婦孕不育凶利禦寇注高平
稱陸三動則坎水平成坤故稱陸巽爲婦离爲大腹故
曰婦孕坎爲丈夫坎爲水水流而去是夫征不復也夫
征不復故孕而不育巽爲高艮爲山离爲戈兵甲冑坎
爲盜自上禦下三動成坤坎象不見故利用禦寇六四

鴻漸于木或得其桷无咎注巽爲木桷椽也巽爲交爲

長木艮爲小木离爲麗小木麗長木巽繩束之故或得

其桷得位順五故无咎九五鴻漸于陵婦三歲不孕注

艮爲山故稱陵巽爲婦离爲孕坎爲歲三動壞离故三

歲不孕終莫之勝吉注勝克也五巽爲木三四爲兌兌

金克之故終莫之勝也上九鴻漸于陸其羽可用爲儀

吉注陸謂三故稱陸三變受成既濟與家人彖同義离

爲鳥故其羽可用爲儀吉巽爲婦坤爲順婦道既終有

德而可受有儀而可象其羽喻其德與儀也鴻羽有文

德之風故吉疏鴻大至有言○此虞義也詩小雅鴻雁

于飛毛傳曰大曰鴻小曰雁故曰鴻大

雁也卦五體離四為商之五爻而初應之故曰離五商
五為鴻虞氏逸象義也漸者進也序卦文正義曰徐而
不速謂之漸詩伐檀寘之河之干兮毛傳曰干厓也故
曰水厓也從山流下稱干者王肅云干山間澗水也艮
為山說卦文說卦曰艮為徑艮為小石故曰艮為小徑
卦體五坎坎為水故曰坎水流下山也艮為小子虞氏
逸象義初以陰居陽故失位兌為口舌說卦文○艮為
至故古○此虞義也說卦傳曰艮為山又為小石故曰
艮為山石坎為聚虞氏逸象義殷王粥本作磐磐俗字
馬云山中磐紆故稱磐史記司馬相如傳子虛賦曰其
山則磐紆峩鬱磐紆般旋之意也聚石稱般者亦般紆
之意也故作般衍樂也爾雅釋詁文初變得正者初變
成陽自初至五有噬嗑象故曰體噬嗑也卦體五坎坎
水陽物謂三也在頤中者謂一陽在二陰之間即噬嗑
彖傳所謂頤中有物也○高平至禦冠○此鄭虞義也
說文解字曰陸高平地故曰高平稱陸卦五體坎三動
為陰則坎象不見故曰坎水平三動成坤者三動成陰
下卦體坤坤為地故稱陸說卦傳曰吳為長女故曰吳
為婦商為大腹說卦文說卦傳曰坎再索而得男故謂
之中男故曰坎為丈夫水流而去即坎水平也孕說文

解字曰：裏子也。育爾雅釋詁曰：養也。孕而不育者，言夫去不復，雖孕而不能養其子也。巽爲高，艮爲山，巽爲戈，兵甲冑坎爲盜，並說卦文。巽高在上，故曰自下禦下坎爲盜，寇三動成坤坎象，不見盜寇自退，故利禦也。巽爲至，无咎。此虞義也。巽爲木，說卦文。說文解字：椽方曰桷，故知桷爲椽也。巽爲交，虞氏逸象義。說卦傳曰：巽爲木，爲長，故曰長木。說卦傳曰：艮爲小石，又曰：其於木也爲多節，故曰小木。序卦傳曰：商者麗也，故曰商爲麗。說卦傳曰：巽爲繩，故曰以繩束之。三動成坤，坤爲順，故順五也。艮爲至，不孕。此虞義也。商爲孕，坎爲歲，虞氏逸象義。自三至五互體商，三動成陰，則商體壞矣。故不孕，三歲不孕，謂一也。○勝克至勝也。○爾雅釋詁云：克勝也。故曰勝克也。三四爲兌者，三四兩爻兌象半見，兌爲金者，兌西方卦，西方金屬，金克木，故曰兌金克之。五爲三四所克，故終莫之勝也。○陸謂至故吉。○陸謂三者三應上也。此卦初爻已變陽之正，則五爻皆得位矣。所較者惟上爻耳。三當位不變動而成陰，三之上上之三而成既濟，是上九受三之成既濟也。與家人象同義者，謂家人象傳正家而天下定矣。其說見家人九三疏，商爲鳥，虞氏逸象義。此虞義也。三動成坤，故曰坤爲

順孟子曰以順爲正者妾婦之道也故曰婦道上九得位故有德而受三之成三動成坤故有儀而爲天下法儀禮士冠禮繼世以立諸侯象賢也鄭注象法也春秋初獻六羽公羊傳何休曰不言六佾者言佾則干舞在其中明婦人无武事獨奏文樂羽者鴻羽也所以象文德之風化疾也故曰有文德之風此干寶義也

三三

兌宮歸魂卦消息內卦八月外卦九月

歸妹征凶无攸利注兌爲妹兌之歸魂是歸妹也泰三之

四坎月离日俱歸妹象震爲征三之四不當位故征凶

四之三失正无應以柔乘剛无攸利也

疏此虞義也說卦傳曰兌爲

少女故曰爲妹歸魂兌之歸魂卦也故曰歸妹泰三之四者虞氏之卦義也坎月离日者卦體互坎离也坎爲月离爲日說卦文泰三之四陽往而陰來也儀禮士昏禮鄭目錄云陽往而陰來日入三商爲昏陽往陰來昏嫁之象繫辭曰陰陽之義配日月坎月离日者亦昏嫁之象故曰俱歸妹象也震上卦也故曰震爲征三之四

以陽居陰故不當位震極則征凶故凶也失正者四本得位之三失正无應者不與上應也柔乘剛者乘九二也

初九歸妹以娣跛而履征吉注妹爲三娣謂初震爲兄故

歸妹初在三下動而應四故不歸其妹而歸其娣娣女

弟也履禮也卦體互坎坎爲曳故跛而履震爲征故征

吉九二眇能視利幽人之貞注視應五也震上兌下离

目不正故眇能視眇一目小也幽人謂四之初成坎二

在坎中故稱幽人震喜兌悅故利幽人之貞六三歸妹

以須反歸以娣注須需也需不進也初至五體需象故

歸妹以須娣初也兌進在四初已應之故反歸以娣九

四歸妹愆期遲歸有時注愆過也坎月离日爲期三變

日月不見故愆期坎爲曳震爲行行曳故遲也震春兌

秋坎冬离夏四時得正故歸有時也六五帝乙歸妹其

君之袂不如其娣之袂良注帝乙湯也震爲帝坤爲乙

故曰帝乙泰乾爲良爲君乾在下爲小君則妹也袂袖

也乾爲衣故稱袂君袂謂三失位无應娣袂謂二得中

應五三動成乾爲良故其君之袂不如其娣之袂良月

幾望吉注幾其也坎月离日兌西震東日月象對五應

二故吉上六女承筐无實士刲羊无血无攸利注女謂

三自下受上稱承筐筐筥也震爲竹故曰筐卦體互离

離火動而上其施不下故筐无實也剗羊士之功剗
刺也離爲戈兵兌爲羊是用兵刺羊之象三至五卦體
互坎坎爲血血在羊上故刺无血也疏妹爲至征吉○
三者泰三之四也初在三下故稱娣說卦傳曰震一索
而得男故謂之長男故曰震爲兄動而應四者初動成
陰而應四是不歸其妹而歸其娣矣娣女弟也說文解
字文序卦傳曰物畜然後有禮故受之以履故曰履禮
也坎爲曳說卦文○視應至同義○此虞義也視應五
者二應五也卦互體離故曰離目不正眇一目小也說
文解字文四之初動成坎者四動成陰而之初初之四
而成坎是二在坎中也幽人罪人尸子曰文王幽于羑
里坎爲獄二在獄中故稱幽人虞氏逸象義震爲大笑
故曰震喜說卦傳曰兌以說之故曰兌說震爲出獄
而喜故利貞○須需至以娣○此虞義也說文解字需
須也又曰遇雨不進也維卦傳曰需不進也故曰須需
也需不進也自初至四需象半見故曰體需三進在四
而初陽應之是不歸九四之妹而歸六三之娣矣○愆

過至時也。○此虞義也。愆說文解字曰過也。坎月南日者二至五互坎。南象爲期者漢書律歷志以月法日法定三辰之會。期說文解字曰會也。故曰日月爲期。三變成陽坎南體毀是日月不見也。日月不見是愆期也。卦體具有四時雖遲歸然有時也。○帝乙至袂良。○乾鑿度曰孔子曰自成湯至帝乙帝乙湯元孫之孫也。帝乙則湯殷錄質以生爲名順天性也。元孫五世之末外絕恩矣。同日以乙天之錫命疏可同名湯以乙生嫁妹本天地之義順陰陽之道以正夫婦。夫婦正則王教興易之帝乙爲湯書之帝易六世王名同不害以明功。子夏京房皆以帝乙爲湯京房易載湯嫁妹之辭曰無以天子之尊而乘諸侯無以天子之富而驕諸侯。陰之從陽女之順夫本天地之義也。往事爾夫必以禮義苟爽對策引帝乙歸妹言湯以娶禮歸其妹於諸侯。故曰帝乙湯也。虞氏云紂父誤矣。惠徵君泰卦疏駁之是也。竊謂泰歸妹帝乙歸妹皆五降二也。故其辭曰陰從陽女順夫孔子亦曰以正夫婦俗儒不知升降而易道蘊蘊矣。此義自東漢以後三千年無知者。傷哉說卦傳曰帝出乎震。故曰震爲帝。魏伯陽參同契曰坤乙三十日東北喪其朋。虞仲翔八卦納甲艮消丙坤納乙故曰坤乙也。

泰三之四泰三乾父也故云泰乾乾爲良虞氏逸象義
乾爲君說卦文泰乾在坤下故在下論語衛靈公君夫
人稱諸異邦曰寡小君何晏注孔安國曰小君君夫人
之稱也故曰小君也妹者帝乙之妹他邦之小君也袂
袖也說文解字文繫辭曰垂衣裳而天下治蓋取諸乾
坤故曰乾爲衣震爲帝以下皆虞義也○幾其至故吉
○此虞義也幾其古字通故曰幾其也兌西方也震東
方也禮禮器大明生于東月生于西鄭注大明日也故
日月象對○女謂至血也○此服虔義也說文解字曰
承奉也受也故自下受上稱承筐筐者詩大雅良耜載
筐及筥鄭箋筐筥所以盛黍也震爲筐虞氏逸象義筐
以竹爲之火炎上故其施不下也剗刺也說文解字文
士雍人也大戴禮諸侯饗廟雍人舉羊升屋自中屋
南面封羊血流于前土之功猶言士之職也兌爲羊說
卦文坎爲血亦說卦文卦互體坎自三至五坎也坎在
兌上是血在羊上也藩謂詩召南標有梅頃筐堅之求
我庶士迨其謂之箋云頃筐取之謂夏已晚頃筐取之
於地女年二十而無嫁端則不待禮會而行之謂明年
仲春不待以禮而會之也上亦過時不嫁筐無梅實矣
雖不待備禮亦無人娶之無所歸也故其占曰无攸利

无攸利者
無所利也

三三

坎宮五世卦
消息六月

豐亨

注此卦三陰三陽之例泰二之四噬嗑上之三折四

于坎獄中故利用獄陰陽交故通王假之注乾爲王假

至也勿憂宜日中注噬嗑之四在坎獄坎爲憂離爲日

中五動之正四變成離兩體離象日照天下明折坎獄

幽人无咎也

疏此卦至故通○此虞義也三陰者二五

也自泰來者九卦蠱賁恒損井歸妹豐節既濟也故日
三陰三陽之例泰二之四者泰乾下坤上二之四四之
二而成豐噬嗑上之三三者虞氏兩象易豫復萃臨夬履
大過中孚大壯无妄爲兩象易非乾坤往來之謂至于
師二升五成比噬嗑上之三三成豐賁初之四成旅皆與
之卦不同亦與兩象小異然亦從兩象之例噬嗑震下

商上上之三三之上而成豐折四于坎獄者謂噬嗑四
在坎獄三從上至三折而斷之故噬嗑曰利用獄故象
辭亦曰折獄致刑卦自泰來故陰陽交○乾爲至至也
○乾爲王虞氏逸象義也說文解字假至也虞書曰假
于上下嘏說文假字曰大遠也爾雅釋詁曰假大也詩
大雅假哉天命後人傳寫皆誤嘏爲假假嘏二字本可
相通然後人消惑不知誤假爲嘏不訓至而訓大者出
矣王弼之流是也四宜上至五動之正而成乾故訓爲
至也○噬嗑至咎也○此虞義也坎爲憂說卦文商爲
日中者繫辭曰日中爲市蓋取諸噬嗑虞氏彼注曰商
象正上故稱日中故曰商爲日中四動之五四變成商
者謂四至五五之四自三至五互有商象也商下互商
故曰兩體商象明斷折
獄是幽人出獄之象

初九遇其妃主注妃匹也謂四也震爲主遇逢也雖旬无

咎往有尙注旬十日也初脩禮上朝四四以匹敵厚待

之雖留十日不爲咎朝聘之禮止于主國以十日爲限


聘禮畢歸聘禮曰旬而稍旬之外爲稍久留非常尙庶
幾也六二豐其蔀日中見斗往得疑疾有孚發若吉注
日蔽雲中稱蔀蔀小謂四也二利四之五故豐其蔀商
爲日中噬嗑艮爲斗斗七星也噬嗑震下离上上之三
成豐隱坎雲中故日中見斗四往之五成坎坎爲疑疾
坎爲孚四發之五故日發若九三豐其沛日中見昧注
沛蔽也坎爲雲日在雲中蔽之象也昧輔星也在斗魁
下艮爲斗爲星故云折其右股无咎注巽爲股兌爲右
爲毀折故折其右股也日者君之象折其右股之臣用
无咎也九四豐其蔀日中見斗遇其夷主吉注遇謂初

也九四變六四爲明夷傷於明而動退位人六四爲明
夷京氏之說也震爲主故稱夷主六五來章有慶譽吉
注在內稱來章顯也慶謂五陽出稱慶譽謂二二多譽
上六豐其屋菩其家注豐豐也菩蔽也三至上體大壯
大壯屋象也四變陰五變陽上動成家人乃大屋蔽家
之象窺其戶室其无人三歲不覲凶注窺小視也室空
也艮爲門闕故稱戶商爲目體明夷坤坤爲空虛是无
人也坎爲三歲坤冥在上故不覲也覲見也疏妃匹至
妃匹也爾雅釋詁文初應四故謂四震爲主虞氏逸象
義爾雅釋詁曰遘逢遇也故知遇逢也○旬十至幾也
○此鄭義也禮曲禮凡卜筮日旬之外日遠某日旬之
內日近某日鄭彼注曰旬十日也爾雅釋詁敵匹也故

日匹敵初應四故脩禮上朝而厚待之也周禮秋官大行人曰殷相聘也世相朝也彼注云大國朝焉小國聘焉故曰朝聘之禮旬而稍儀禮聘禮文彼注稍廩食也周禮春官漿人共賓客之稍禮注留間主稍所給賓客者賈公彥聘禮疏賓客之道十日爲正行聘禮既訖合歸一句之後或逢凶變或主人留之故曰非常如過旬日則有非常之事矣故曰庶幾也尚庶幾也說文解字文○日蔽至發若○此虞義也若馬作諱非鄭薛作若古字也若古訓爲蔽王弼注蔽覆曖鄒光明之物卽蔽之意也噬嗑坎爲雲仲翔小畜密雲不雨注云需坎升天爲雲故曰蔽雲中馬融曰諱小也鄭康成曰若小席是若亦訓爲小也喻豐有光大之象蔽於雲中其光小矣二利四之五者四失正應二近五六二得位之幽人欲遠失正者四之五三之四二之三幽人出獄利可知也幽人在獄爲隱蔽之象出獄則處明而豐是爲豐其若噬嗑艮爲斗者說卦曰艮爲狗大戴禮易本命斗主狗故曰艮爲斗也史記天官書北斗七星小司馬史記索隱曰第一天樞第二璇第三璣第四權第五衡第六開陽第七搖光此七星也噬嗑上之三二之上成豐噬嗑之三爻乃五坎之中爻又爲艮之上爻變而成豐是

隱坎雲中矣變爲豐卦下卦成商爲日中所以日中見斗也四往之五成坎者四之五二之四而成坎也坎爲疑疾坎爲孚並虞氏逸象義二往應得正之五則遇坎而得疑疾矣○沛蔽至故云○應劭風俗通山澤篇沛者草木之蔽故訓蔽也坎爲雲虞氏逸象義坎噬嗑互坎也昧子夏服虔鄭元虞翻皆作昧漢書王商傳亦作昧今作沫通借字也易釋文云薛云昧輔星也春秋運斗樞曰斗第一至四爲魁第五至第七爲杓天官書輔星孟康曰北斗第六星旁九家易曰昧杓後小星故曰在魁下藩謂厓法以杓建昏服虔曰昧昏也故輔星亦名昧星艮爲星虞氏逸象義也○吳爲至咎也○巽爲股釋卦文股易釋文云姚信作股虞作肱注曰噬嗑艮爲肱木卦互巽不必遠取噬嗑故從姚讀兌爲右虞氏逸象義左傳成十六年文曰姬姓日也故知日者君之象也○遇謂至夷主○初應四故謂四初爻辭遇其妣主是也明夷商下坤上六四變陰成坤則爲明夷矣傷於明而動者謂九四動也明夷之六四坎之游魂故曰傷也明夷坎宮八月豐坎宮九月九四變六四是九月退入八月也故曰退位入六四也○在內至多譽○在內稱來猶之內曰來謂二來應五也仲翔坤六三含

章可貞注以陰包陽故含章含章則隱來章則顯故曰
顯也五陽出稱慶者五發得正則來應二應二乃章隱
多憂顯多慶二多譽繫辭文○豐豐至之象○豐說文
解字大屋也引易曰豐其屋故曰豐豐也虞九四豐其
菩注菩蔽也故曰蔽也大壯乾下震上故自三至五有
大壯象也大壯屋象者繫辭曰上古穴居而野處後世
聖人易之以宮室蓋取諸大壯四變陰五變陽上動成
陽為吳離下與上家人卦也故成家人也○窺小至見
也○窺小視也說文解字文易釋文李登云小視也今
作闕闕說文訓閤也非小視之窺字也闕俗字易釋文
孟作室仲翔訓為空者猶亂之訓治也列子黃帝篇至
人酒行不空殷敬順釋文云一本空作室據此當從孟
氏作室矣艮為門闕說卦文四變成明夷坤故曰成明
夷坤也坤為空虛虞氏逸象義也空虛故無人坎為三
歲虞氏逸象義坤冥在上謂四變而坤在三上矣坤為
冥虞氏逸象義俗字說文解字所無或曰當作價春秋
莊二十四年大夫宗婦覲用幣公
羊傳曰覲者何見也故曰見也



䷪ 離宮一世卦消息內
卦三月外卦四月

旅小亨旅貞吉

注資初之四石三之五小謂否也

疏此虞義也

石坤下乾上三之五五之三而成旅資初之四兩象易也說見豐卦否大往小來故曰小否也

初六旅瑣瑣斯其所取災

注瑣瑣猶小小也艮爲小石履

非其正應离之始离爲火自取災也六二旅卽次懷其

資得僮僕貞

注卽就也次舍也資貨也艮爲閭寺僮僕

之象以陰居二卽就其舍承陽有實故懷其資九三旅

焚其次喪其僮僕貞厲

注三動艮壞故焚其次三動艮

滅入坤坤爲喪喪其僮僕也動而矢正貞厲矣九四旅

干處得其齊斧我心不快

注與爲處离爲斧斧黃成也

齊利也位未至故我心不快也六五射雉一矢亡終以

譽命

注 離爲雉爲矢爲飛五變成乾矢動雉飛雉象不

見一矢亡也譽謂二翼爲命五變成乾則二來應五終

以譽命也上九鳥焚其巢旅人先笑後號咷

注 離爲鳥

爲火翼爲木爲高變震爲竹爲葦鳥隱其中皆巢之象

也震爲笑震在前故先笑翼爲號咷翼在後故後號咷

喪牛于易凶

注 離爲牛乾爲易五動成遂故喪牛遂六

二執之用黃牛之革卽上九之牛也

疏

瑣瑣至災也○詩小雅節彼南

山瑣瑣如姬傳曰小貌故曰瑣瑣小也初應四應四始也自蹈於火自取災也○卽就至其資○此九家易也詩鄭風東門之墦子不我卽傳曰卽就也故曰卽就也周禮天官宮伯授八次八舍之職事注鄭司農云庶子衛王宮在內爲次在外爲舍故曰次舍也資貨也說文解字文以陰居陰卽就其舍也承陽承九三也隲四

爻象曰困蒙之吝獨遠實也正義曰陽主生息故稱實是有實也初者卑賤二得履之僮僕之象也○三動至厲矣○此虞義也三動近商動而成坤是焚其次也坤為喪虞氏逸象義喪其僮僕初與三也○巽為至快也○巽為處虞氏逸象義自二至四卦互體巽故曰巽為處齊斧俗本作資斧子夏傳及象家並作齊漢王莽傳喪其齊斧應劭曰齊利也故曰齊利也蓋得其利斧也說文解字曰戎斧也司馬法曰夏執元戎殷執白戚周左杖黃戎右秉白髦故曰斧黃戎也以陽居陰位未至也商為斧虞氏逸象義○商為至命也○此虞義也商為雉說卦文商為矢為飛虞氏逸象義二多譽故曰譽謂二巽為命虞氏逸象義五變成乾二來應已者陰來應陽正應也○商為至號咷○此虞義也巽為高說卦文上九變陰成震震為作為葦說卦文也自四至上上變成震故曰在前震為笑虞氏逸象義自二至四卦互體巽故曰在後巽為號咷虞氏逸象義在前在後即內卦外卦也○商為至牛也○此虞義也左傳昭五年傳曰純商為牛故曰商為牛乾為易虞氏逸象義遂艮下乾上五動成陽則成遂互為商之主爻商為牛變而成遂則商牛喪而之遂矣二應五故為遂六二所執此乃虞

氏六十四卦變動之大義也
生生之謂易其期之謂與

䷋ 八純卦象風消息內
卦七月外卦八月

與小亨利有攸往利見大人注遯二之四柔得位而順五

剛故小亨大人謂五商目爲見二失位利應五利攸在

也疏

此虞義也遯二之四之卦義也柔謂遯二以陰居陰故得位五剛謂五也遯坤爲順卦互體離故曰

商目爲見二失位利往應五故利見九五之大人也

初六進退利武人之貞注與爲進退乾爲武人與於消息

爲七月禮立秋賞武人於朝故利武人之貞九二與在

牀下注與爲木牀之象也二无應於五退而據初心在

於下矣用史巫紛若吉无咎注史以書勳巫以告廟紛

盛若順也二以陽應陽君所不臣軍帥之象書勳告廟
當變而順五則吉二體兌兌爲巫兌道貴順能變而順
五退在牀下吉无咎矣九三頻巽吝注頻蹙也謂二已
變三體坎坎爲憂爲水故頻巽也在險无應故吝六四
悔亡田獲三品注失位无應悔也二之初而應四是悔
亡也二爲田三品上殺次殺下殺也卦象則謂下三爻
也初巽爲雞二兌爲羊三離爲雉九五貞吉悔亡无不
利无初有終注得位處中故貞吉悔亡无不利也巽究
爲躁卦變之震故无初有終也先庚二日後庚三日注
震庚也謂變初至二成離至三成震震主庚離爲日震

三爻在前故先庚三日謂益時也動四至五成离終上
成震震三爻在後故後庚三日震究爲蕃鮮白謂巽也
巽究爲躁卦躁卦謂震也與蠱先甲三日後甲三日同
義五動成蠱乾成於甲震成於庚陰陽天地之始終故
經舉甲庚於蠱彖巽五也上九巽在牀下喪其齊斧貞
凶注牀下謂初也究反成震在牀下也遂坤爲喪离爲

斧喪其齊斧也疏

巽爲至之貞○巽爲進退乾爲武人
虞氏逸象義也乾盈爲息坤虛爲消

故曰消息孟長卿卦氣說六十卦主六日七分巽內卦
主處暑七月外卦主白露八月節是巽在消息爲七月
也禮記月令立秋之日賞軍帥武人于朝鄭氏彼注曰
武人謂環人之屬有勇力者○巽爲至下矣○二不當
位故无應於五而退據初也○史以至咎矣○史以晝
動者勳說文解字曰能成王功也周禮夏官司勳曰王

功曰勳征伐之事亦王功也周禮司勳凡有功者銘書于王之太常祭于大烝司勳詔之注曰銘之言名也生則書于王旌以識其人與其功也死則于烝先王祭之詔謂告其神以辭也今漢祭功臣于庭藩謂凡有功者賞地詔辭則司勳之職凡功勳之事則史官之職蓋史以掌書故也巫以告廟者巫說文解字曰祝也能齊肅事神明也楚語觀射父曰在男曰殯在女曰巫是使制神之處位次主而爲之牲器時服而後使先聖之後之有光烈而能知山川之號高祖之主宗廟之事此卽巫以告廟也祭必有巫祭于大烝故曰巫以告廟易釋文曰紛盛也故曰盛也若順也者若順釋言文尙書堯典欽若昊天順之義也此荀氏義也兌爲巫虞氏逸象義兌彖曰是以順乎天故曰兌道貴順二不當位以陽應陽是不臣也不臣則有危亡之禍卽所謂祭于大烝司勳詔之也二體兌若其極盛之時能變而順五則无危亡之禍矣○頻蹙至故吝○頻說文解字曰水厓人所賓附頻蹙不前而止故曰頻蹙也九二變陰自二至四互有坎象故曰坎爲憂坎爲水也坎重險也頻蹙不前是在險无咎也○失位至爲雉○九二帥師征伐田之象也穀梁桓四年傳曰一爲乾豆二爲賓客三爲充君

之庖范甯注上殺中心次殺射髀髀下殺中腸汚泡故日上殺次殺下殺也初巽爲雞者說卦文郭璞洞林曰巽爲大雞二兌爲羊者自二至四互體兌也兌爲羊說卦文离爲雉者自三至五互體离也此翟元義也○得位至終也○此虞義也以陽居陽故得位處中謂五也與究爲躁卦說卦文此乃震與特變也虞氏說卦注與變至五成噬嗑爲市動上成震故其究爲躁卦明震內卦爲專外卦爲躁震无異象巽无震象雷風无形故特變耳初失位終上成震則得位矣故无初有終也○震庚至五也○此虞義也八卦納甲震內庚魏伯陽參同契曰震庚受西方故曰震庚也謂變初至二成离者初變陽二變陰而成离三至三成震者三動成陰而成震三前下卦也三動成震則爲風雷益三故曰謂益時也益時者益彖曰凡益之道與時偕行動四至五成离者四動成陽五動成陰而成离三終上成震者上變陰而內外皆成震三矣後上卦也說卦傳曰其究爲健爲蕃鮮虞彼注曰震與相薄變而至三則下象究與四成乾故其究爲健爲蕃鮮也說卦傳曰震爲的顙虞注曰的白也說卦傳曰巽爲白故曰白謂巽也蓋震究巽耳五動成蠱者五動成陰而成山風蠱三乾成於甲十五日

也震成於庚初三日也八卦納甲之說坎商日月也戊己中土也晦夕朔旦坎象流戊日中則南商象就己三十日會于壬三日出于庚八日見于丁十五日盈于甲十六日退于辛二十三日消于丙二十九日窮于乙減于癸乾納甲故十五日也震納庚故初三日也藩謂乾納甲震納庚蠱互震兌无乾象故曰先甲後甲與互離兌无震象故云先庚後庚蠱與下艮上退于辛消于丙終之象也中互震兌有出震見兌之象故云終則有始天行也與十六日乾初缺故无初消丙入坤坤代終故有終庚甲相對中隔三日故皆以三言之甲乙為日也○牀下至斧也○子夏傳及諸家資斧皆作齊斧惟沈約宋書文帝紀元嘉二十九年丙申詔曰未勞資斧與王氏本同漢書王莽傳曰司徒王尋初發長安宿霸昌廐亡其黃戊尋士房楊哭曰此經所謂喪其齊斧者也注應劭曰齊利也亡其利斧言无以復斷斬也卦自遂來故曰遂坤為喪

三三

八純卦象澤消息秋分

兌亨利貞注

大壯五之三剛中而柔外二失位動應五上

承三故亨利貞也疏

此虞義也大壯乾下震上五之三而成兌剛中謂二五也柔外謂三

上也動而應五上承三者謂二動而成陰以應九五之陽不動而承六三之陰

初九和兌吉注

四變應已和兌吉也九二孚兌吉悔亡注

孚謂五也四已變五在坎中稱孚二動而應之悔亡也

六三來兌凶注

從大壯來而失位來兌凶也九四商兌

未寧介疾有喜注

商商賈也介大也異為近利市三倍

故稱商兌震為行故未寧四變成坎坎為疾故介疾織

小之疾故有喜憂悔吝者存乎介九五孚于剥有厲注

孚謂五也二四變體剥象孚于剥也在險故有厲上六

引兌注異為繩艮三為手上之失位三引之也疏

四變至吉

也○此虞義也四變應已者謂四變陰而應初也○孚
謂至七也○此虞義也四變陰成坎五為坎中也坎為
孚虞氏逸象義二動應之者二動成陰而應五也○從
大至凶也○此虞義也大壯之五失位之爻來之兌三
又失位是以凶也○商商至乎介○此虞義也易釋文
介隔也馬云介大也故曰介大也吳為近利市三倍說
卦文卦互體吳故云孟子曰商賈皆欲藏於王之市故
商兌也五變成震故曰震為行纖小之疾勿藥有喜故
有喜憂悔吝者存乎介是介疾之義也○孚謂至有厲
○此虞義也剥坤下艮上二四變陰剥象半見坎為孚
故孚于剥也○吳為至之也○此虞義也四變卦互體
艮三為艮父故艮三為手也上之失位三引之者即虞
所謂柔外也引之者言三以繩
引之也吳為繩虞氏逸象義

三三 消息六月 離宮五世卦

渙亨王假有廟利涉大川利貞注否四之二成坎震天地

交故亨乾為王假至也否體觀艮為宗廟坎為大川乘

木有功故利涉大川利貞也

疏

此虞義也否坤下乾上四之二而成渙卦互體

震故曰成坎震也否天地不交萬物不通之卦成渙渙散也散則交而通矣故曰天地交也說卦傳曰乾為君故乾為王也假至也說文解字文否坤下乾上觀坤下巽上觀象半見鄭氏觀卦注曰坤為地為眾巽為木為風九五天子之父互體有艮艮為鬼門又為宮闕地上有木而為鬼門宮闕者天子宗廟之象也故否體觀艮為宗廟也坎為大川虞氏逸象義也乘木有功彖辭也巽為木故云

初六用拊馬壯吉悔亡

注

拊上舉也坎為馬在坎險故舉

之坎為美脊之馬故壯九二渙奔其机悔亡

注

机五几

也震為奔坎為棘震為足艮肱據之凭几之象渙宗廟

也故設几六三渙其躬无悔

注

否坤為躬變而之正故

无悔六四渙其羣元吉

注

三稱羣謂否坤三爻也從否

來得位順五故元吉渙有止匪夷所思注艮爲山故稱
止匪當爲非夷平也二之四互艮非夷四之二成坎坎
爲思所思也九五渙汗其大號渙王居无咎注號令也
言號令如汗汗出而不反者也五爲王故宣號布令艮
爲居故渙王居也上九渙其血去逖出无咎注應在三
坎爲血爲逖逖遠也二變爲觀坎象不見血去逖出也
疏枌上至故壯○枌俗本作拯子夏馬氏作枌後漢孔
彪碑文爰尙桓桓枌馬蠲害枌馬卽拯馬也據此則
作拯者非矣俗本无悔亡朱震漢上易傳曰虞翻陸績
本作壯吉悔亡說卦傳曰坎其于馬也爲美春故曰坎
爲馬坎爲美春之馬○机五至設几○此虞義也机几
通借字机五几者周禮春官司几筵掌五几五席之名
物注五几左右玉彫彤漆素也震爲奔虞氏逸象義几
以木爲之有足卦互體震艮坎爲棘棘木也坎木震足

凡之象也。艮為肱，虞氏逸象義說。文解字：「凡，依几也。故曰：『凡，之象。』」凡大朝覲，大饗射，凡封國命諸侯。王位設黼，依几前。南鄉設莞筵，紛純加纁席，畫純加次席。黼純左右，玉几。祀先王，昨席亦如之。按大朝覲，大饗射，封國命諸侯，祀先王，皆在廟中。故知渙宗廟設几也。○否坤至无悔。○否坤下，故曰：『否坤為躬，三不當位，故變而之。』正。○三稱至元吉。○周語：「獸三為羣，羣昭注自三以上為羣。」是三稱羣也。從否二居四，其羣侶渙，其羣也。呂氏春秋曰：「渙者，賢也。羣者，眾也。元者，吉之始也。渙其羣，元吉者，其左多賢也。周語曰：『人三為眾，其左多賢者，亦謂坤三爻也。』」艮為至思也。○匪當為非者，通借字也。夷平也者，漢成帝紀曰：「帝王之道，日以陵夷。」注：「夷，平也。否二之四，自三至五，互艮，渙有止，故匪夷。」否四之二成坎，坎為思，謂四商羣而思二也。坎為思，虞氏逸象義。○號合至居也。○文選：「薛綜《東京賦》注：『鄭元曰：『號令也。』故曰：『號令也。』」漢劉向傳曰：「易曰：『渙汗其大號。』言號令如汗汗出而不反者，今出善政，未能踰時而反，是反汗也。言令之出不可出乎爾而反乎爾也。艮為居，虞氏逸象義。○應在至出也。○此虞義也。應在三，故坎為血也。坎為逃，虞氏逸象義。逃遠也。說文解字：「文猶言遠出也。」觀坤

下巽上二變爲
陰則成觀矣

三三坎宮一世卦
三三消息七月

節亨注泰三之五天地泰也故亨苦節不可貞注謂上也

應在三變成離火炎上作苦苦節也乘陽不可貞也

疏泰三至故亨○此虞義也卦自泰來從三陽三陰之
例泰三之坤五泰象曰天地交泰故曰天地交也○

謂上至貞也○此虞義也三應上故曰應在三也三變
成陽自三至五互離象尚書洪範曰火曰炎上又曰炎
上作苦故曰火
炎上作苦也

初九不出戶庭无咎注泰坤爲戶艮爲庭震爲出初得位

應四不出戶庭也九二不出門庭凶注變而之坤艮爲

門庭二失位不變出艮應五則凶六三不節若則嗟若

无咎注物不可以終离故受之以節三變成离終离也

故不節若若語辭震爲出爲音聲故嗟若嗟佐也六四

安節亨注艮止坤安得正承五故安節亨也九五甘節

吉往有尙注坎爲美得位正中故甘節吉往有尙者謂

二變應五也上六苦節貞凶悔亡注乘陽故貞凶得位

故悔亡疏

泰坤至庭也。此虞義也。卦自泰來故曰泰。坤坤爲戶艮爲庭震爲出虞氏逸象義卦互

體震艮故云初得位有應不動不變不出戶庭之象。○

變而至則凶。○變而之坤者謂二變陰自二至五互坤

象杜預左傳注曰艮爲門庭故曰艮爲門庭也。三至五

互艮象二不變應五則以陽應陽不出於艮矣。故凶也。

○物不至佐也。○物不可以終离故受之以節序卦文

渙离宮卦也故曰終离節無离象而互艮艮止也故雜

卦傳曰節止也。三變成离則不節而終离矣。震爲出爲

音聲虞氏逸象義嗟佐也者劉熙釋名曰嗟佐也言之

不足以盡意故發此聲以自佐也。艮止至亨也。此虞義也。坤為安虞氏逸象義謂泰坤也以陰居陰故得正。坎為至五也。此虞義也。坎為美坎為美脊故為美美說文解字曰甘也故曰甘節二變陰應五則吉往有尚謂二也。乘陽至悔亡。此虞義也。乘陽乘九五之陽得位者以陰居陰也。悔亡言其小疵也。

三三 艮宮游魂卦
消息十一月

中孚 注訟四之初也 豚魚吉 注三辰在亥亥為豕豕失正

故變而從小名言豚耳四辰在丑丑為鼃蟹鼃蟹民之微者爻得正故變而從大名言魚耳三體兌兌為澤四上值天淵二五皆坎爻坎為水水浸澤則豚利五亦以水灌淵則魚利豚魚以喻小民也利涉大川利貞 注坎為大川渙為舟楫故利涉大川也 疏訟四之初也。此虞義也。訟坎下乾


上乾四之坎初從四陽二陰之例非乾坤往來之謂也
 ○三辰至民也○此鄭義也鄭氏十二月爻辰說十月
 亥坤六三也十二月丑坤六四也爻辰之說詳於乾鑿
 度三統脉以乾子坤未爲主宰然八卦皆有爻辰而中
 孚獨言乾坤者乾鑿度曰中孚爲陽貞於十一月子小
 過爲陰貞於六月未法於乾坤則中孚法乾小過法坤
 矣中孚之三四坤之三四也小過之三四乾之三四也
 所以虞氏之卦義以中孚小過與乾坤反復不衰卽孟
 氏所謂卦氣起中孚也故曰三辰在亥四辰在丑亥爲
 豕者說文解字曰古文亥爲豕與豕同亥而生子復從
 一起三以陰居陽故失正說文解字曰豚小豕也故曰
 變而從小名丑於爻辰爲十二月月令季秋之月其蟲
 介鄭氏彼注曰介甲也龜鼈之屬蟹亦介屬也介填衍
 之物鱗川澤之物變而爲魚則大矣兌爲澤說卦文鄭
 氏爻辰所值二十八宿說丑上值斗天淵星名卽天海
 也在南斗牽牛南史記正義曰南斗牽牛須皆爲星紀
 于辰在丑故曰上值天淵也坎中實故二五皆坎爻坎
 爲水說卦文詩小雅有豕白臍烝涉波矣毛傳曰將久
 雨則豕進涉水波鄭箋曰豕之性能水故曰水浸澤則
 豚利晉書天文志曰天海主灌溉田疇事故曰以水灌

淵脉魚微物所以喻小民也○坎爲至川也○此虞義也訟坎爲大川繫辭曰剝木爲舟揆木爲楫蓋取諸渙故曰渙爲舟楫渙坎下巽上自二至上渙象半見故曰渙爲舟楫也

初九虞吉有它不燕注虞安也有它意在四也九二鳴鶴在陰其子和之我有好爵吾與爾靡之注靡共也震爲鳴訟离爲鶴坎爲陰夜鶴知夜半故鳴鶴在陰互艮爲子震巽同聲相應故其子和之吾謂五也离爲爵二五正應變陰應五是五與靡之也六三得敵或鼓或罷或泣或歌注三四俱陰故得敵也四得位故鼓而歌三失位故罷而泣六四月幾望馬匹亡无咎注坎爲月离爲日兌西震東月在兌二日在震三日月象對故月幾望

乾坎兩馬兩馬稱馬匹震爲奔走體遂山中乾坎不見
馬匹亡也九五有孚攣如无咎注坎爲孚坎二陰在中
也艮爲手故攣如上九翰音登于天貞凶注巽爲雞雞
曰翰音翰長也乾爲天故翰音登于天失位故貞凶疏
虞安至四也○此荀義也儀禮士虞禮鄭目錄曰虞安
也故曰安也初應於四宜自安虞无意於四則吉四若
承五有它意於四則不安矣故曰有它意在四也燕安
也爾雅釋詁文○靡共至之也○此虞義也易釋文靡
韓詩曰共也互震爲鳴震爲鳴商爲鶴坎爲陰夜虞氏
逸象義訟商者卦自訟來訟體互商坎亦訟坎也淮南
子說山雞知將旦鶴知夜半故曰鶴知夜半艮爲少男
故曰艮爲子說卦雷風相薄虞氏曰謂震巽同聲相應
訟互體巽故曰震巽同聲相應淮南子泰族訓寒暑燥
濕以類相從聲響疾徐以音相應故易曰鳴鶴在陰其
子和之卽此意也商爲爵虞氏逸象義變陰應五者五
利二之變而應己也○三四至而泣○此荀義也敵匹

也三四皆陰得其匹也四以陰居陰故得位三以陰居陽故失位○坎爲至亡也○此虞義也八卦納甲八日成兌見丁月之生明必於庚上弦必於丁則震爲西方兌爲南方矣何以云兌西蓋兌正秋也卦屬金故曰兌西納甲兌爲南方故說卦但言正秋也不言西方之卦震東也說卦文坎訟坎也訟坎下乾上訟四之初中孚之二爻也故曰月在兌二訟卦二爻至四爻互商則中孚之三爻訟商之二爻也中孚二爻至四爻互震故曰日在震三大明生于東月生于西故日月象對乾爲馬坎爲馬兩馬也爾雅釋詁匹合也注謂對合也故曰兩馬稱匹震爲奔走虞氏逸象義虞氏曰中孚訟四之初也當从四陽二陰之例遂陰未及三而大壯陽已至四故知從訟來訟自遂來遂艮下乾上故曰體遂山中訟四之初是乾坎不見也○坎爲至寧如○此虞義也訟坎二陰居三四坎孚在中也爾雅釋詁癘病也釋文郭作拘攣謂手足曲病也○異爲至貞凶○此虞義也禮記曲禮雜曰翰音故曰翰音也鄭氏彼注曰翰長聲也故曰長也上九高而失位貞凶也



兌宮游魂卦消息內卦十二月外卦正月

小過亨利貞

注晉上之三也有飛鳥之象故知從晉來柔

得中故亨五失正故利貞可小事不可大事注小謂五

晉坤爲事柔得中可小事也大謂四剛失位而不中不

可大事也飛鳥遺之音不宜上宜下大吉注離爲飛鳥

震爲音艮爲止晉上之三離去震在鳥飛而音止故飛

鳥遺之音上陰乘陽不宜上也不鳥飛上翔不下來也

下陰順陽故宜下大吉

疏晉上至利貞○此虞義也晉坤下離上商上爻之坤三從

四陰二陽之例晉商爲飛鳥故知從晉來柔得中謂五也○小謂至事也○此虞義也陽爲大陰爲小故曰小謂五也坤爲事虞氏逸象義大謂四者陽爲大也○商爲至大吉○此虞義也商爲飛鳥虞氏逸象義晉商上之三而成震商象不見是商去震在也震爲音虞氏逸象義上陰乘陽謂五乘四也下陰順陽謂二順三也不

鳥飛上翔不下來也說文解字
文許君不字之訓本於此也

初六飛鳥以凶

注初應四四爲飛鳥上之三則四折入大

過死故凶也六二過其祖遇其妣

注祖祖母謂初也母

死稱妣晉坤爲喪爲母折入大過死所以稱妣也二過

初故過其祖二五變體姤遇故遇妣也不及其君遇其

臣无咎

注五動爲君晉坎三爲臣二之五隔三艮爲止

故不及其君止如承三得正遇其臣也九三弗過防之

從或戕之凶

注防防四也從或從四也戕殺也商爲戈

兵三從商入坤折四死大過中凶也九四无咎弗過遇

之注

四雖失位進則遇五故无咎也不復過五故曰弗

過遇之矣往厲必戒勿用永貞注戒戒心也謂三也震

爲奔走故曰往厲厲謂五也四體震動勿長居四故勿

用永貞六五密雲不雨自我西郊公弋取彼在穴注密

閉也晉坎在天爲雲墜地成雨坤爲地爲我兌爲西上

來之三折坎入兌不雨也公謂三也弋矰繳射也坎爲

弓彈南爲鳥矢南去无矢故以手取坎宵爲穴艮爲手

飛鳥入穴故取彼在穴也上六弗遇過之飛鳥離之凶

是謂災眚注上之三三之上弗遇過之也離遭也飛鳥

爲公所取故凶坎爲災眚疏初應至凶也○此虞義也

過象大過巽下兌上兌爲毀折故曰折入大過二陽在
四陰之中陽死陰中故曰死也○祖祖至妣也○此虞

義也初陰爻故曰祖祖母也禮記曲禮生曰父曰母曰妻死曰考曰妣曰嬪鄭氏禮記注曰妣之言嬖也嬖於考也說文解字曰歿母也是母死稱妣也姤遇下乾上二變陽五變陽自初至五互姤象姤彖曰姤遇也故體姤遇三爲妣下陰順陽是過祖遇妣也○五動至臣也○此虞義也五動爲君者五動成陽卦互體乾乾爲君也坎爲臣虞氏逸象義二五正應三爲艮父二之五爲艮所止二五皆陰應不得其正二與三以陰順陽故得正如讀爲而言止而承三也晉坎者晉卦自三至五互坎故曰晉坎三爲臣也○防防至凶也○此虞義也晉上之三三鳥音所遺也故弗過弗過者鳥音弗過也三折四死大過故曰防防四也乾九四或躍在淵仲翔謂或指四故曰從或從四也春秋宣公十有八年秋七月邾人戕鄆子于鄆杜預注邾大夫就鄆殺鄆子是戕訓殺也晉商上入坤三五大過四陽死陰中是三從商入坤折四死大過中也○四雖至之矣○此九家義也四體震動位既不正當動上居五故不復過五上陰乘陽四舍五應上是動上居五也○戒戒至永貞○孟子當在薛也予有戒心趙岐注戒有戒備不虞之心也時有惡人欲害孟子孟子戒備故曰戒心也三弗過防之故

曰謂三也四往危五是往厲也謂舍五應上也此荀氏
義也說卦傳曰雷以動之是震爲動也○密閉至穴也
○此虞義也禮樂記陰而不密鄭注密之言閉也上坎
爲雲下坎爲雨故曰在天爲雲墜地成雨坤爲我虞氏
逸象義晉五坎晉三爲坎父上之三三之上成小過小
過互兌三爲兌父折坎爲兌也父例三爲三公坎爲弓
彈南爲鳥矢虞氏逸象義周禮夏官司弓矢矰矢弗矢
用諸弋射鄭注結繳于矢謂之矰矰高也詩鄭風弋鳬
與雁孔疏繳射謂以繩繫矢而射也鄭氏考工記注曰
矢落不獲弋繳射也故曰弋矰繳射也皆說文解字曰
坎中小坎也故曰坎宵爲穴九家需于血出自穴注曰
震從地出上升於天自地出者莫不由穴坎爲雲雲自
穴出是坎爲穴也南鳥高飛故用矰矢矰高也南去无
矢故以手取晉三爲坎南上之三飛鳥入穴也○上之
至災背○漢書揚雄傳反離騷惟天軌之不辟兮何純
絜而離紛注師古曰離遭也故曰離遭也言飛鳥遭公
之弋而死公謂三也
坎爲災傳說卦文

三坎宮三世卦
三消息十月

既濟亨小利貞

注

泰五之二小謂二也六爻得位各正性

命保合太和乃利貞初吉終亂

注

初始也謂泰乾乾知

大始坤五之乾二得位處中初吉也泰坤稱亂二上之

五成泰泰反成否終亂也

疏

泰五至利貞○此虞義也泰五之二者坤五之乾二

也六爻得位陰陽氣通故亨各正性命保合太和乃利貞乾象也乾變坤化乾五之坤坤二之乾成既濟定坎

為性兩為命二五成位於中故云各正當游魂為變之時各能還其本體故云保合太和乃利貞也○初始至

亂也○此虞義也乾知大始繫辭文坤為亂虞氏逸象義雜卦傳曰否泰反其類也故曰泰反成否

初九曳其輪濡其尾无咎

注

應在四坎為曳為輪濡溺也

尾讀為微尾微也初為坎水所溺也六二婦喪其髮勿

逐七日得

注

商為婦泰坤為喪髮鬢髮也坎為元雲故

稱髮詩曰鬢髮如雲故婦喪其髮泰震數七故勿逐七日得九三高宗伐鬼方三年克之小人勿用注高宗殷王武丁鬼方國名乾爲高宗坤爲鬼方乾二之坤五故高宗伐鬼方坤爲年位在三故三年克之坤爲小人故小人勿用六四襦有衣絮終日戒注襦羅衣也乾爲衣故稱襦絮敝緼也乾二之五衣象裂壞离爲日坎爲盜在兩坎間故終日戒謂伐鬼方三年乃克旅人勤勞衣服皆敗猶戒備鬼方之民也九五東鄰殺牛不如西鄰之禴祭實受其福注互坎互离离日坎月日東月西東鄰西鄰也禴夏祭也离爲夏故云坤爲牛坎爲豕西鄰

禘祭則用豕歟言殺牛而囚不如殺豕受福上六濡其

首厲注乾爲首從五之坎濡其首也

疏應在至溺也○坎爲弓輪說卦

文故曰坎爲輪史記倉公傳今客腎濡正義曰濡溺也
尾微古字通故微生高一作尾生高尾微也說文解字
文易以下爲尾上爲角初在下故稱尾乾鑿度曰易氣
從下生鄭注云易本无形自微及著氣從下生以下爻
爲始始卽微也○离爲至日得○此虞義也說卦傳曰
离爲中女故曰离爲婦坎爲元雲虞氏逸象義鬢髮如
雲詩衛風君子偕老文毛傳鬢黑髮也如雲言美長也
泰互震故曰泰震也髮子夏馬鄭皆作鬢虞氏曰髮或
作鬢俗說以髮爲婦人蔽膝之鬢非也虞氏世傳易學
必有所據且坎爲元雲所以稱髮確有此象故不從衆
家而從虞讀○高宗至勿用○此虞義也乾爲高宗虞
氏逸象義史記殷本紀武丁崩子帝祖庚立祖己嘉武
丁之以祥雉爲德立其廟爲高宗故曰高宗殷王武丁
也詩商頌天命元鳥武丁孫子傳武丁高宗坤爲鬼方
虞氏逸象義詩大雅蕩覃及鬼方傳鬼方遠方也非仲
翔所指大戴禮帝繫陸終氏娶于鬼方氏鬼方氏之妹

謂之女隤史記索隱世本與此同鬼方卽西羌也後漢書西羌傳后桀之亂吠夷入居邠岐之間成湯旣興伐而攘之及殷室中衰諸夷皆叛至于武丁征西羌鬼方三年乃克故其詩曰自彼氐羌莫敢不來王是鬼方爲國名也泰坤五之乾二乾二之坤五成旣濟故曰高宗伐鬼方卦體互离三爲离爻离爲戈兵故伐也所以高宗伐鬼方係於三不係於二坤爲年爲小人虞氏逸象義也○襦羅至民也○襦作襦非子夏作襦是也易釋文作襦寫訛也說文无襦字襦羅衣也說文解字文彙說文曰安羅温也蓋冬衣也絮俗本作襦說文作絮曰緇也一曰敝絮從糸奴聲易曰需有衣絮需襦古字通襦冬衣故有絮衣象敗裂者謂乾象不見也終日戒者言高宗伐鬼方征衣破裂見絮言三年之久也征人雖三年勞憊然猶戒備鬼方之衆卦體坎互坎故曰在兩坎間此兼虞義○互坎至受福○此鄭義也昬夏祭也說文解字文坤爲牛坎爲豕說卦文西鄰昬祭則用豕歟疑辭也殺牛而凶不如殺豕受福者喻奢而慢不如儉而敬也漢書引作瀹祭師古曰謂瀹煮新菜以祭亦儉之意也○乾爲至首也○此虞義也乾爲首說卦文之坎之二也

三三

商宮三世卦消息內
卦十月外卦十一月

未濟亨

注否二之五天地交故亨六爻皆錯未濟也小狐

汔濟濡其尾无攸利

注坎爲小狐濟渡也汔幾也汔濟

猶言未濟也狐性疑未濟時一步下其尾濡其尾也六

爻失位故无攸利疏

否二至濟也○此虞義也否坤二

爻皆不得位故曰錯也錯亂也○坎爲至攸利○坎爲

小狐九家逸象也子夏傳于寶皆曰坎爲小狐詩邶風

匏有苦葉濟有深涉毛傳濟渡也易釋文鄭云汔幾也

謂幾於渡也故曰猶言未濟也狐性疑者鄺道元水經

注曰狐性多疑故俗有狐疑之說風俗通里語狐欲渡

河無如尾何蓋狐性多疑未渡之時先以尾度其深淺

一說狐首輕尾重負尾而濟也未濟時一步下其尾此孟喜說也見朱震漢上易

初六濡其尾吝

注應在四濡其尾也失位故吝九二曳其

輪貞吉

注坎爲輪离爲牛牛曳輪上也坎爲曳曳曳也

六三未濟征凶利涉大川

注未濟者未成也女在外男

在內婚姻未成四動體震震爲征凶坎爲大川利下從

坎故利涉也九四貞吉悔亡震用伐鬼方三年有賞于

大國

注動正得位吉而悔亡矣變震體師坤爲鬼方爲

大邦體坤爲年四爲震之三爻陽稱賞三年有賞于大

國也六五貞吉无悔君子之光有孚吉

注之正則吉乾

爲君子离爲光坎爲孚上九有孚于飲酒无咎濡其首

有孚失是

注坎爲孚謂四也上之三四爲介坎水流頤

中皆飲酒之象乾爲首故濡其首濡首必亡是嗜也言

雖有孚然濡首而亡則失其嗜酒之好矣疏

應在至故

義也尾坎狐之尾言爲四所需也四爲互坎之爻坎爲水故濡也○坎爲至與也○南爲牛者純陽爲牛也牛曳輪上者牛車也考工記大車崇九尺鄭注云大車平地載任之車其駕牛說文曳與也故曰曳與也曳與古字通與說文曰束縛捭捩爲與謂牛束縛於輪上也此兼干寶義○未濟至涉也○此荀義也虞氏曰濟成也蓋乾坤成兩既濟故虞氏訓濟爲成未濟故曰未成也女在外男在內謂坎男離女也陰陽相反是婚姻不成也四動成陰互震故曰體震征凶利下從坎者陰從陽也○動正至國也○此虞義也動正得吉者謂動而成震以陰居陰也師坎下坤上九四變陰從初至五互師象師軍旅也故曰震用伐鬼方也坤爲大邦虞氏逸象義坤石坤也四變陰自二至四五震則四爲震之三爻矣陰爲罰陽爲賞故曰陽稱賞○之正至爲孚○此虞義也五不當位故之正則吉乾爲君子南爲光虞氏逸象義○坎爲至好矣○卦互體坎四坎爻也上之三隔四四爲介紹之謂四變陰不乘六三也古者飲酒必有介儀禮鄉飲酒禮曰主人就先生而謀賓介頤震下

艮上九四動而成陰自二至五互順九四互坎之二爻
動而成陰是坎水流入頤中也故曰皆飲酒之象乾不
乾也乾五降爲坎二濡其首也釋名是嗜也嗜樂之也
故曰是嗜也言雖有坎二之孚信然而濡首飲酒必至
死亡死亡則失其所嗜矣如殷紂之沉湎於酒以取滅亡也

周易述補

十五卦
彖傳

周易述卷十

門人江藩集注并疏

彖下傳

鼎象也以木與火亨飪也

注彖事知器故獨言象與入離

下中有乾象木火在外金在其內鼎鑊亨飪之象聖人

亨以享上帝而大亨以養聖賢

注聖人謂乾也初四易

位體大畜震爲帝在乾天上故曰上帝體頤象故以享

上帝也大亨牛羊豕也大畜養也賢之能者曰聖聖聲

也與而耳目聰明故以養聖賢與而耳目聰明

注謂三

也三在與上動成坎離有兩坎兩離乃稱聰明日月相

推而明生焉柔進而上行得中而應乎剛故亨注柔謂

初也上行應上震為行得中五也應剛應乾也疏象事至之

象○此荀虞義也象事知器繫辭文六十四卦皆觀象繫辭而獨於鼎言象者象事知器鼎器也故獨言象巽下離上故曰巽入離下乾為金說卦文卦互體乾金在其內也周禮天官亨人掌共鼎鑊所以煮肉及魚腊之器故曰鼎鑊亨飪之象○聖人至聖賢○此兼虞義也虞氏逸象義曰乾為聖人故曰聖人謂乾也大畜乾下艮上初之四四之初而成大畜大畜三爻至五爻互震是震在乾上也震為帝虞氏逸象義體頤象者大畜三爻至上爻互頤也大亨牛羊豕者九家易曰牛鼎受一斛天子飾以黃金諸侯白金三足以象三台羊鼎五斗天子飾以黃金諸侯白金大夫以銅豕鼎三斗天子飾以黃金諸侯白金大夫銅士鐵序卦傳曰物畜然後可養故曰大畜養也風俗通曰聖者聲也聞聲知情故曰聖也禮記中庸篇曰唯天下至聖為能聰明睿知所以知巽而耳目聰明為聖賢也○謂三至生焉○此虞義也巽三動而成陰故曰在巽上也三動互离离為目體

離互離兩日也三動自初至三成坎自三至五互坎坎
為耳變坎互坎兩耳也故曰聰明也聰主耳明主目眇
能視不足以有明聞言不信聰不明皆一離一坎之象
故眇能視聞言不信也日月相推而明生焉繫辭文○
柔謂至乾也○此虞義也章昭晉語注曰震為作足故
為行是震為行也卦自大壯來應乾者應大壯乾也

震來虩虩恐致福也笑言啞啞後有則也注虩虩謂四也

來應初命恐懼致福則法也坎為則震驚百里驚遠而

懼邇也注近謂初遠謂四震為百里出可以守宗廟社

稷以為祭主也注震為出為守艮為宗廟社稷祭主長

子也

疏虩虩至為則○此虞義也虩虩恐懼貌繫辭曰

氏逸象義○近謂至百里○此虞義也說文解字曰邇
近也故曰近謂初論語識曰雷震百里聲相附宋均注
雷動百里故因以制國是震為百里也遠謂四者謂四
驚遠也○震為至子也○此虞義也震為出為守艮為

宗廟社稷虞氏逸象義也序卦傳曰
主器者莫若長子故曰祭主長子也

良止也時止則止時行則行注陽窮於上止也時止上陽

窮也時行謂三體震震爲行也動靜不失其時其道光

明注動謂三靜謂上良止則止震行則行故不失其時

五動成離道光明也艮其止止其所也上下敵應不相

與也是以不獲其身行其庭不見其人无咎也注謂兩

象各止其所目相八而不相下不相與也疏陽窮至行

義也陽窮於上者謂上爻也自三至五互震故曰震爲
行艮者萬物之終始所以時止時行也○動謂至明也

○此虞義也三體震故曰動謂三上止其所故曰靜謂

上五動成離者謂五動成陽自三至五互離也離爲日
爲火故其道光明○謂兩至與也○兩象謂內外卦也
說文曰艮很也從匕目匕目猶日相匕不相下目匕爲

艮七目爲眞也故曰目相八而不相下八說文相與比
敘也從反人藩謂言輔不言口言身不言面言腹不言
壽言限不言腹言腓不言股言趾不言足皆不
獲其身之象敵應而不相與不見其人之象也

漸之進也女歸吉也進得位往有功也進以正可以正邦

也其位剛得中也注巽爲進陰陽體正故吉功謂五四

進承五往有功也初變成家人唯上爻不正三動成坤

爲邦三進居上上反來三旣濟定矣故進以正可以正

邦也三在外體之中故稱得中止而巽動不窮也注止

艮也初已變家人三變體震震爲動卦互體坎坎爲通

故動不窮也疏巽爲至得中○此虞義也巽爲進虞氏

也繫辭曰三與五同功而異位故曰功謂五四進者巽
進也家人离下與上初變成家人三則五爻皆正性命

所較者唯上爻耳三動成陰下卦成坤坤爲邦虞氏逸象義三進居上上反來三者謂三變陰與上爻易位而成既濟三自二至四互坎三爲坎之二爻故曰三在外體之中也此乃虞氏爻變受成法也與家人正道正同義○止艮至窮也○此虞義也說卦傳曰艮止也故曰止艮也初變陽三變陰而成震故曰三變體震也坎爲通說卦文

歸妹天地之大義也注乾主壬坤主癸离日坎月日月會

北震東兌西离南坎北六十四卦此象最備天地之大

義也天地不交而萬物不興注乾三之坤四天地交也

震爲興天地以坎离交陰陽天地交而萬物出乎震矣

不交故不興歸妹人之終始也注人始生乾而終於坤

說以動所歸妹也注說兌動震也震嫁兌所歸必妹也

征凶位不當也无攸利柔乘剛也注中四爻失位位不

當也三五乘陽柔乘剛也

疏乾主至義也。此虞義也。八卦納甲甲乾乙坤相得

合木故甲乙在東丙艮丁兌相得合火故丙丁在南戊坎己离相得合土故戊己居中庚震辛巽相得合金故庚辛在西壬壬地癸相得合水故壬癸在北參同契曰壬癸配甲乙乾坤括始終是也京君明火珠林八卦六位乾下卦主甲上卦主壬坤下卦主乙上卦主癸故曰乾主主坤主癸也卦自泰來乾坤謂泰乾泰坤也震東兌西离南坎北四正也四正四時也即仲翔所謂四象震春兌秋坎冬离夏也漢書魏相奏曰東方之卦不可以治西方南方之卦不可以治北方春與兌治則飢秋與震治則華冬與离治則泄夏與坎治則雹亦謂四正也易緯是類謀曰冬至日在坎春分日在震夏至日在离秋分日在兌四正之卦故孟長卿以此定六日七分七十二候壬癸在北故日月會北也卦互體坎离所以云坎冬离夏六十四卦唯歸妹有此象乾坤括始終易道備矣故曰天地之大義也。乾三至不與。此虞義也震為興虞氏逸象義泰乾三之坤四成歸妹而互坎

商故曰天地以坎商交爲陰陽也萬物出乎震說卦文
○人始生乾而終於坤○此虞義也乾主壬坤主癸八
卦納甲三十日會於壬三日出於庚二十九日窮於乙
滅於癸故仲翔曰陰終坤癸乾始震庚也陽生於乾陰
終於坤故曰人之終始也○說兌至妹也○此虞義也
說卦傳曰震動也兌說也故曰說兌動震也震爲長男
兌爲少女故所嫁必妹也○中四至剛也○中四爻失
位者謂二三四五也三五乘陽者謂三乘九二五乘九
也四

豐大也明以動故豐王假之尙大也勿憂宜日中宜照天

下也

注三至上體大壯故大也明離動震也四宜之五

尙大也五動成乾乾爲天四動成兩離重明麗正故宜

照天下日中則稷


注稷讀如日日側之側離九三爲日

側日在西方時側也月盈則食

注五動成乾月盈於甲

上之五三變爲陽震東兌西故稱鄰之五得正故不于其躬于其鄰无咎三變應上故婚媾震爲言故有言疏厲危至日得○此虞義也乾九三厲无咎文言曰雖危无咎故知厲爲危也乘剛者乘初九也噫俗本作億億非古字詩周頌噫嘻成王毛傳噫歎辭故曰惜辭也三動成陽互有肉體兩爲處爲蚌說卦文貝說文云海介蟲古者貨貝而寶龜周而有泉至秦廢貝行錢相貝經曰貝盈尺狀如赤電黑雲曰紫貝赤質紅章曰珠貝青地緣文曰綬貝黑文黃畫曰霞貝又有浮貝濯貝皓貝慧貝良爲山說卦文卦五體艮二爲艮之始爻故曰山下爾雅釋邱曰後高陵邱故曰陵也震爲逐虞氏逸象義震爲作足之馬逐之象也二應四四動成陰爲復卦七日來復故勿逐商爲日說卦文震數七者崔憬曰震爲長陽其數七○死而至无咎○此虞義也孟子后來其蘇戰國策勃然乃蘇此死而復蘇之義也左傳宣八年春晉人獲秦謀殺諸絳市六日而蘇故云晉獲秦謀六日而蘇也卦自臨來臨三在坤下故曰三死坤中三動成陽以陽居陽故得正震爲生虞氏逸象義說卦坎

爲多眚故曰坎爲眚從三至五互有坎體三動成陽故坎象不見。○坤土至泥也。○此虞義也。四變成坤坤爲土故曰坤土卦體互坎坎爲雨故曰得雨爲泥乾雲行雨施虞注上坎爲雲下坎爲雨故知坎爲雨也。四爲坎之二爻故曰位在坎中漢書五行志李奇曰震遂泥者泥溺於水不能自拔故曰遂泥也遂與隊古字通。○往謂至事也。○此虞義也乘陽者乘九四也應陰者應六二也震爲祭主故曰祭祀之事五變陽成隨隨爲震之歸魂故曰出而體隨王用享于西山也。○索索至有言。○此虞鄭義也縮說文蹴也雙說文曰視遠貌震爲征虞氏逸象義征凶者崔憬曰震極則征凶坤爲躬虞氏逸象義震東方卦兌西方卦易之稱鄰指震兌而言故但言東西不言南北卦自臨來臨二體兌故曰兌西四上之五成坎三變成離坎離成既濟既濟九五東鄰殺牛不如西鄰之禴祭故曰不于其躬于其鄰。三變陽應六故婚媾震爲言虞氏逸象義。



八純卦象山消息內
卦九月外卦十月

艮其背不獲其身行其庭不見其人无咎注觀五之三也

艮爲多節故稱背觀坤爲身觀五之三折坤之背故艮其背坤象不見故不獲其身震爲行人艮爲庭坎爲隱伏故行其庭不見其人三得正故无咎疏此虞義也觀五之三三者虞氏之卦義觀坤下巽上五之三三之五而成艮艮爲多節說卦文入脊骨三百六十節故多節稱背也觀下卦坤故曰觀坤坤爲身虞氏逸象義觀五之三有折坤背之象五之三成艮故曰坤象不見震爲行人艮爲庭虞氏逸象義坎爲隱伏說卦文卦互體坎故曰坎爲隱伏三以陽居陽故得正

初六艮其趾无咎利永貞注震爲趾故艮其趾失位變則

得正故无咎永貞六二艮其腓不拊其隨其心不快注

與長爲股艮小爲腓拊取也隨謂下陰震爲動故不拊其隨坎爲心故其心不快九三艮其限裂其頄厲熏心

注限腰帶處也坎爲腰五來之三故艮其限寅脊肉艮

爲背坎爲脊艮爲手震起艮止故裂其寅坎爲心艮爲

闢闢守門人坎盜動門故厲闢心古闢作熏六四艮其

身无咎

注身孕也五動則四體离离爲大腹孕之象也

得正承五而受陽施故无咎六五艮其輔言有孚悔亡

注輔頰車也三至上有頤象艮爲止在坎車上故艮其

輔輔謂輔車相依震爲言五失位悔也動而得正故有

孚悔亡上九敦艮吉**注**邱一成爲敦邱敦艮者兼山之

象也**疏**

震爲至永貞○此虞義也倒艮爲震故曰震爲

象也

趾震爲趾虞氏逸象義初以陽居陰故失位○

巽長至不快○此虞義也說卦傳曰巽爲長又曰巽爲股說卦傳曰艮爲小石故曰艮小爲腓虞氏逸象義腓

是拯溺而確之以石也是呂覽以兌爲學說爲言也仲
翔曰兌口故說仲翔亦訓說爲言蓋說有憚言二義劉
勰文心雕龍亦曰兌爲口舌故言咨悅憚過悅必僞故
舜驚讒說○二三四之正則利貞○此虞義也二三四
三爻皆不得正變而之正則利貞矣○乾爲至死也○
此虞義也大壯五之三成兌故曰乾爲天五也乾大壯
乾也鄭氏乾九三注曰三於三才爲人道故曰人謂三
坤爲順謂二四變而互坤也順五者應五也承三者承
陰也說卦傳曰勞乎坎二三四三爻變而之正或坎故
坎爲勞也屯震下坎上二四變陰成屯屯彖曰屯剛柔
始交而難生是體屯爲難也坎爲忘坤爲死虞氏逸象
義○體比至勉也○此虞義也比彖傳曰比輔也下順
從也兌爲澤水有順下之象剛中柔外陰比於陽如民
之順從其君故曰體比順象民忘其勞民忘其死不勉
而自勸矣勸勉
也說文解字文

渙亨剛來而不窮柔得位乎外而上同注此本否卦乾居

坤中剛來成坎水流不窮坤二升乾柔得位乎外上承

貴主與上同也王假有廟王乃在中也注謂陽來居二

在坤之中也利涉大川乘木有功也注坎為水巽為木

疏

此本至同也○此虞義也此本否卦者渙自否來否

乾九四之坤二為渙成坎坎為水故曰乾居坤中剛
來成坎水流不窮也否四之二二之四成渙渙坤二升
居乾四也故曰柔得位乎外四以陰居陰故得位外外
卦也乾為王二五皆乾父故稱貴主上承謂四承五與
上同謂初承二與上同者與上卦同也○謂陽至中也
○此苟義也陽來居二乾九四也乾為君故曰王九四
之坤二是在坤中也○坎為水巽為木○此虞義也巽
為風木在水上流行若風舟楫之象繫辭曰桡木為舟
揆木為楫舟楫之利以濟不通致遠以利天下蓋取諸
渙是乘木
有功也

節亨剛柔分而剛得中

注

泰三之五剛柔分也苦節不可

貞其道窮也說以行險當位以節中正以通注上爻乘

險故窮也兌說坎險震爲行說以行險也中正謂五坎
爲通天地節而四時成注乾天坤地震春兌秋坎冬商
夏四象成節天地節而四時成也節以制度不傷財不
害民注艮爲制坤爲度爲害爲民爲財二動體剝剝爲
傷三出復位成既濟定坤剝不見不傷不害也疏泰三

也○此虞義也卦自泰來分乾九三上升坤五分坤六
五下居乾三剛柔分也得中謂五也○上爻至爲通○
此虞義也上爻位極於上乘九五之陽所以窮也卦互
體震故震爲行中正謂五者五得位居中也坎爲通說
卦文○乾天至成也○此虞義也乾天坤地泰乾泰坤
也三不得位變陽互離故曰離爲夏也漢書律歷志經
元一以統始易太極之首也春秋二以日歲易兩儀之
中也於春每月書王易三極之統也於四時雖亡事必
書時月易四象之節也時月以建分至啟閉之分易八
卦之位也注張晏曰二至二分立春立夏立秋立冬四

象之節卽此也故曰四象成節左傳孔疏立春立夏爲啟立秋立冬爲閉用此八節之日登觀臺書其所見雲物氣色八節者兼乾坤而言卽律厯志所謂八卦之位也○艮爲至害也○此虞義也艮手稱制虞氏逸象義卦互體艮故云坤數十爲度虞氏逸象義也爲害爲財亦虞氏逸象義剝坤下艮上二動成陰有剝象鄭氏剝卦注曰陰氣侵陽上至於五萬物零落故謂之剝萬物零落傷之義也說文解字曰剝割也漢書揚雄傳曰東方朔割名於細君師古曰割損也損有傷訓故曰剝爲傷此所以太元準剝爲割也三出復位者泰三之五五復居三也陽出稱慶故曰出也本卦二三兩爻不當位宜變而之正二已變陰體剝三變陽而升五五出復位而成旣濟二變陰互坤體剝成旣濟定則坤割體壞故曰坤剝不見也

中孚柔在內而剛得中說而巽孚注三四在內二五得中

兌說巽順故孚也乃化邦也注二化應五成坤坤爲邦

豚魚吉信及豚魚也注豚魚小民也孚信也利涉大川

乘木舟虛也注虛舟名內陰爲虛中孚以利貞乃應乎

天也注乾爲天二動應乾也

疏

三四至孚也。謂陰順陽也。三四在內六三六

四也。陰爲柔故曰柔在內也。二五得中九二九五也。二化至爲邦。此虞義也。乾彖傳乾道變化虞注上繫曰在天爲變在地言化蓋乾言變坤言化也故曰二化應五成坤成坤者二變陰而互坤也。豚魚至信也。鄭氏曰豚魚以喻小民故曰豚魚小民也。禮記聘義孚尹旁達信也故曰孚信也。豚者卑賤魚者幽隱言中信用之道皆及之矣。虛舟至爲虛。此鄭義也。詩谷風正義曰易利涉大川乘木舟虛注云舟謂集板如今自空大木爲之曰虛故曰虛舟名六三六四在內故曰內陰爲虛史記注裴駰曰六甲孤虛虛謂陰也。卽漢書律麻志所謂六爲虛也。乾爲至乾也。此虞義也。卦自訟來乾四之坎初乾訟乾也二動成陰應九五故曰應乾也。

小過小者過而亨也過以利貞與時行也注陰稱小謂二

五也可小事故亨震爲行柔得中是以小事吉也剛失

位而不中是以不可大事也

注二五得中陰稱小故小

事吉四失位不中陽稱大故不可大事有飛鳥之象焉

飛鳥遺之音不宜上宜下大吉上逆而下順也

注商爲

飛鳥飛鳥之象五失位上逆也二得位下順也

疏陰稱

行○此荀義也陰稱小者謂四陰也陽大陰小故泰否

二卦稱大往小來小過之謂過者四應初過二而去三

應上過五而去二五處中不過不見應故曰謂二五也

○二五至大事○此虞義也四以陽居陰故失位不中

不可大事也○商爲至順也○卦自晉來商爲飛鳥皆

商也或以卦象二陽在內四陰在外有似飛鳥之象宋

仲子取之仲翔以爲妄說故不取五以陰居陽故失位

上上卦也二以陰居陰故得位下下卦也王子邕曰二

三得正故下順然九三象

曰凶如何也不得言順

既濟亨小者亨也利貞剛柔正而位當也注天地交泰陰

陽升降小者亨矣六五降二九二升五剛柔正而位當

也初吉柔得中也注中謂二也終止則亂其道窮也注

反否終坤其道窮也疏天地至當也○此荀義也天地

既濟坤六五降二乾九二升五陰陽升降也乾剛坤柔

乾九二升五得正得位坤六五降二得正得位剛者居

剛柔者居柔是剛柔正而位當也此兼侯果義○中謂

二也○此虞義也易以下爲初上爲上故繫辭曰其初

難知其上易知柔中主下卦之吉故初吉也○反否至

窮也○此虞義也泰反成否故曰反否否陰消陽九四

消陽成觀九五消陽成剝上九消陽成坤八卦納甲

乾始震庚陰終坤癸故曰終坤也道乾道謂上卦也

未濟亨柔得中也注柔上居五與陽合同亨也小狐汔濟

未出中也注二在坎中也濡其尾无攸利不續終也注

反泰成乾不終於坤不續終也言始易終難也雖不當

位剛柔應也

注剛柔相應而不以正疏

柔上至亨也○此苟義也卦自

否來坤六二升居乾五故柔上居五也與陽合同者與九二應也○二在坎中也○此虞義也九家易逸象坎為狐二為坎父在兩陰之中渡未過河是未出中也○反泰至難也○卦自否來反否成泰故曰反泰泰陽消陰六四消陰成大壯六五消陰成夬上六消陰成乾人生於乾而終於坤反泰成乾不終於坤故未濟也戰國策易曰狐濡其尾此言始之易終之難也故曰始易終難也○剛柔至以正○六爻皆錯然陰陽相應故曰剛柔應也

周易述補

周易述補

十五卦
象傳

周易述卷十四

門人江藩集注并疏

象下傳

木上有火鼎君子以正位凝命注巽木南火君子謂三也

五爻失正三獨得位凝成也五動體遯初陰始凝巽爲

命凝命也

疏

此虞義也初五二爻皆陰居陽二四上三

日君子謂三也尙書臯陶謨庶績其凝孔疏鄭云凝成也禮記至道不凝焉鄭注亦曰凝成也五動體遯者五變陽而成遯爻辰乾四在午遯消息居之東觀記司徒魯恭疏曰五月遯卦用事遯卦巽下乾上初六一陰生遯之初六卽坤之初六也故參同契曰遯始紀序履霜最先井底寒泉坤初履霜堅冰至象曰陰始凝也陰始凝者坤來消乾初爻成陰爲遯遯乾宮一世卦故曰初陰始凝

鼎顛趾未悖也利出否以從貴也注以陰承陽故未悖從

貴也鼎有實慎所之也我仇有疾終无尤也注二變爲

艮艮爲順尤過也不能卽故終无尤也鼎耳革失其義

也注義讀如儀刑文王之儀儀法度也覆公餗信如何

也注覆公之餗屋誅當加其如何也鼎黃耳中以爲實

也注得中應陽故曰中以爲實玉鉉在上剛柔節也注

三動成坤虧乾之體變陰應上成未濟故有悔卦雖六

爻失位然六位相應剛柔有節也疏以陰至貴也此

二也承之故不悖易例陽貴陰賤仲翔曰天貴故尊地

賤故卑也○二變至尤也○此虞義也二變陰下卦成
艮艮爲順虞氏逸象義詩廓風載馳許人尤之傳曰尤
過也不我能卽終无尤者言四不能近二二終无過也

○義讀至度也。○儀說文曰度也。儀刑文王詩大雅文
鄭箋曰儀法文王之事故曰儀法度也。古祭有儀周官
甸人詔裸將之儀是也。鼎所以祭也耳革失其度矣故
仲翔曰耳革行塞失其儀也。義說文曰己之威儀也詩
邶風威儀棣棣則義儀二字可通借矣。故曰讀如儀刑
文王之儀。○得中至為實。○此陸績義也。應陽者九二
應五也。正義曰陽為實又九二爻辭曰鼎有實蓋五為
鼎局二為鼎實故曰中以為實也。○三動至節也。○此
虞義也。九三方兩虧悔四變成陰三動成坤虧乾之體
鼎五爻皆失位為三爻得位三爻動亦失位矣。然六位
雖失而六爻陰陽相應卦互體乾變互體坤乾剛坤柔
也。故曰雖不當位六爻相應剛柔有節也有節者陰陽
相應之謂。

鴻雷震君子以恐懼修省注鴻再也君子謂臨二震來虩

虩恐懼也臨二之坤坤為身所以修省其身也疏此虞

鴻說文曰水至也則坎卦之水洊至當作鴻鴻再也爾
雅釋言文水鴻至者謂重坎也今本爾雅作薦非薦雷

震者亦謂重震也。君子謂臨二者卦自臨來兌二之坤四成震陽爲君子故臨二稱君子坤爲身虞氏逸象義震來虩虩恐致福也笑言啞啞後有則也。注後謂九四也。

震來厲乘剛也。注震東方也屬木六二木爻震之身也。

得位无應乘剛故厲震蘇蘇位不當也。注以陽居陰也。

震遂泥未光也。注德陷陰中故未光也震往來厲危行

也。注乘剛山頂其行危也其事在中大无喪也。注動出

得正其事无喪也震索索中未得也雖凶无咎畏鄰戒

也。注不得於三婚媾於五五非正應兩陰不匹未得中

也中謂五鄰亦謂五也戒者謂非正應而戒之也。疏後

九四也。○初與四應四在後故云。○震東至故屬。○此京氏義也震東方也說卦文震於四正爲春故淮南子

時則訓孟春之月共位東方其日甲乙盛德在木是震
屬木也六二木爻震之身者京氏八卦六位之說乾屬
金九五壬申金乾之身也坤屬土初六乙未土六四癸
丑土坤之二身也故惠徵君曰坤艮有二身震屬木六
二庚寅木震之身也巽屬木上九辛卯木巽之身也坎
屬水上六戊子水坎之身也离屬火上六己巳火离之
身也艮屬土初六丙辰土六四丙戌土艮之二身也兌
屬金九五丁酉金兌之身也禮記月令正義引易林云
震上庚子午巽主辛丑未坎主戊寅申离主己卯酉艮
主丙辰戌兌主丁巳亥學者讀此可以類推矣乘剛故
厲者乘初九也震身乘剛故危也此兼于寶義○德陷
至光也○此虞義也卦互體坎四在坎中陽以故爲德
陷於陰中故不下逮其道未光也故仲翔曰與屯五同
義○動出至喪也○此虞義也六五變陽出而體隨動
出得正也其事无喪者王用亨于西山之事也○不得
至之也○三上兩爻正應而失應故曰不得於三也婚
媾於五者不得於三近求於五矣五非正應而兩陰不
能匹匹爾雅曰合也五非正應戒之故曰中謂五鄰亦
謂五也

兼山艮君子以思不出其位注兼并也君子謂三也震爲

出坎爲隱伏坎爲思思不出其位也疏此虞義也說文解字曰兼并也

從又持秝兼持二禾兼持一禾故曰兼并也謂重艮也

君子謂三者以易有三才三於三才爲人道故乾五爻

皆稱龍三獨稱君子惠徵君曰經凡言君子皆謂九三

也所以仲翔以三爲君子震爲出坎爲思虞氏逸象義

坎爲隱伏

說卦文

艮其趾未失正也注謂動而得正也不拊其隨未退聽也

注坎爲耳故未退聽也艮其限危闔心也注坎盜動門

危闔心也艮其身止諸躬也注諸猶於也艮爲止五動

則四體商賁爲大腹身孕也五變而止於四之躬也艮

其輔以中正也注五動之正也敦艮之吉以厚終也注

坤爲厚坤爲終疏坎爲至聽也。○此虞義也。坎爲耳卦

言二以陰居陰得正得位不聽從於下也。易傳句見朱

震漢上易傳張弧僞作所无當是子弓原書也。○坎盜

至心也。○此虞義也。坎盜動艮門闥人之心危矣。○諸

猶至躬也。○此虞義也。禮記射義反求諸己而已矣。鄭

注諸猶於也。故曰諸猶於也。五變陽而四有身言孕在

四之躬也。○五動之正也。○此虞義也。五以陰居陽失

正變而爲陽得正得中矣。○坤爲厚坤爲終。○此虞義

也。坤爲厚虞氏逸象義坤觀坤也。卦自觀來故云地道

无成而代有終也。故曰坤爲終

山上有木漸君子以居賢德善俗注君子謂乾也乾爲賢

德坤爲小人柔弱爲俗乾四之坤爲艮爲居陽善陰也

疏此虞義也。陽爲君子陰爲小人故君子謂乾坤爲小

人也。卦自否來否乾否坤也。乾爲賢德虞氏逸象義

柔弱爲俗亦虞氏逸象也。巽爲長女柔弱女之性也。所

謂柔弱者蓋指巽耳。乾四之坤者否三之四四之三而

成漸是乾四之坤三也乾四之坤三成艮故曰爲艮爲居艮爲居虞氏逸象義艮三君子乾四賢德是君子居賢德也巽四坤三也否坤小人爲柔弱之俗君子居之能善俗也君子之道將長小人之道將消以陽善陰之時故曰漸也

小子之厲義无咎也注動而得正故義无咎飲食衎衎不

素飽也注素空也承三應五有功乃食夫征不復離羣

醜也注離去也坤爲醜三稱羣坤三之四離羣醜也婦

孕不育失其道也利用禦寇順相保也注三動毀商陽

死陰中失其道矣坤爲順三動成坤坎象不見順相保

也或得其桷順以巽也注坤爲順以巽者順五也終莫

之勝吉得所願也注坎爲思三變受成既濟得所願也

願思也其羽可用爲儀吉不可亂也注鴻飛有行列也

疏

動而至无咎○此虞義也初以陰居陽不得其正故厲變而得正故无咎也○素空至乃食○此虞義也

詩魏風伐檀彼君子兮不素餐兮毛傳素空也故曰素空也承三應五往有功也仕有功而受祿是有功乃食也○離去至醜也○此虞義也離訓爲去者易釋文離力智反鄭云猶去也虞氏逸象義坤爲醜太元經夜以醜之坤爲夜故又爲醜也否坤三之乾四離其羣醜矣○三動至保也○此虞義也卦互體離三變成既濟離象不見故毀離也陽死陰中者謂三死於坤中也坤爲順虞氏逸象義卦互體坎三動成坤坎象不見坎爲盜離爲戈兵坎商體毀所以順相保矣○坤爲至五也○順五者以陰承陽故曰順以巽也○坎爲至思也○坎爲思虞氏逸象義三變成既濟五與上受三之變成既濟是得所願也願思也爾雅釋詁文○鴻飛有行列也○禮曲禮前有車騎則載飛鴻鄭注鴻飛有行列也飛有行列故不可亂也

澤上有雷歸妹君子以永終知敝注雷薄於澤八月九月

將藏之時君子象之坤爲永終又爲敝乾爲君又爲知

三之四爲永終四之三爲知敝

疏此干實義也歸妹於消息爲寒露霜降消

息之說外卦內卦各主一節寒露八月節霜降九月節雷以二月出八月入故月令仲春之月雷乃發聲仲秋之月雷始收聲是八月九月雷將藏之時也君子象之者君子法之以永終知敝也坤爲永終又爲敝乾爲知皆虞氏逸象義卦自泰來乾坤者泰乾泰坤也君子謂乾三也三之四爲永終者乾三之坤四君子之坤能永終也坤四之乾三成兌兌爲毀折故知敝也此兼虞氏義

歸妹以娣以恒也跛而履吉相承也

注恒常也承九二吉

相承也利幽人之貞未變常也

注常恒也初變二在坎

中雖在坎獄上應六五不變而承初未變常也歸妹以

須未當也

注位未當也愆期之志有時而行也注有時

謂令男三十而娶女二十而嫁參天兩地而奇數焉帝

乙歸妹不如其娣之袂良也其位在中以貴行也注五

貴三賤震爲行上六无實承虛筐也注坤爲虛疏恒常

也○此虞義也恒常也說文解字文坤爲常故云○常
恒至常也○此虞義也初變陰成坎故曰二在坎中也
二雖不當位而爲幽人又與六五陰陽相應不必變陰
乘初九之陽故曰不變而乘初也○有時至數焉○令
男三十而娶女二十而嫁周禮媒氏文鄭注二三者天
地相承覆之數也易曰參天兩地而奇數焉○五貴至
爲行○繫辭曰三多凶五多功貴賤之等也故曰五貴
三賤震爲行虞氏逸象義○坤爲虛○此虞義也坤爲
虛虞氏逸象義
坤謂泰坤也

雷電皆至豐君子以折獄致刑注震爲雷商爲電君子謂

三也噬嗑四失正在坎獄中上之三折四入大過死大

過兌爲折疏

此虞義也商爲電說卦文虞氏兩象易噬嗑上之三成豐說見本卦噬嗑四爻以陽

居陰故失正大過巽下兌上噬嗑上之三自二至五大過象半見大過四陽死於二陰之中故曰大過死也三從上至四在坎獄三折而斷之是折獄致刑也兌爲毀折故曰兌爲折

雖旬无咎過旬災也

注體大過故過旬災坎爲災也有字

發若信以發志也

注坎爲孚爲志豐其沛不可大事也

折其右股終不可用也注四之二不可大事也折去右

股之臣終不可用也豐其蔀位不當也日中見斗幽不

明也遇其夷主吉行也

注艮爲星商光掩之幽不明也

震爲行吉行也六五之吉有慶也注動而成乾乾爲慶

豐其屋天降祥也

注天降惡祥也闕其戶窒其无人自

藏也

注

三隱伏於坎中自藏者也

疏

體大至災也○此虞義也大過象半

見故曰體大過坎為災虞氏逸象義藩謂旬十日也南為日初至四歷三爻初爻三日二爻三日三爻三日為九日餘一日為閏餘故曰雖旬无咎過旬則四上之五成坎是坎為災也或曰南納已震納庚自己逆數至庚為旬自南初至震四也過庚復已則為南之四當有焚棄之災故曰過旬災也○坎為孚為志○坎為孚坎為志虞氏逸象義○四之至用也○卦自泰來乾二之坤四坤四之乾二四之二也泰小往大來虞注坤陰謂外為小往乾陽信內稱大來坤四之二小往也故不可夫事右股之臣雖死然坤四小往終不可用之大事虞氏曰三利四之陰也○艮為至行也○艮星之在天南日之光掩之是幽不明也艮為星虞氏逸象義○動而至為慶○此虞義也動而成乾者五動成陽自三至五成乾矣虞氏曰陽出稱慶即乾為慶也○天降惡祥也○此孟氏義也王弼俗本作天際翔也際孟作降翔孟鄭作祥祥統吉凶之光而言有吉祥有凶祥左傳昭十八年文鄭之未災也里析告子產日將有大祥此即惡祥也于寶日豐其屋記紂之侈造為璿室玉臺也蓋言侈

奢過節天降凶災○三隱至者也○此虞義也坎為隱
 伏說卦文豐為坎宮五世故云卦自噬嗑來噬嗑互坎
 震三在坎下是三隱伏於坎中也噬嗑上來之三故於
 上爻言之藏易釋文曰眾家作戕鄭云傷也於義亦通
 今從虞讀坎為隱伏兼噬嗑
 而言較之鄭注虞義精確

山上有火旅君子以明慎用刑而不留獄注君子謂三

為明艮為慎兌為刑坎為獄賁初之四獄象不見故明

慎用刑而不留獄矣疏此虞義也火在山上勢非長久
 旅之象也旅南宮一世故曰南

為明說卦傳曰南也者明也艮為慎坎為獄虞氏逸象
 義卦自賁來坎謂賁互體坎也賁南下艮上初之四四
 之初成旅賁自二之四互坎初之
 四則坎體壞矣故曰獄象不見也

旅瑣瑣志窮災也注坎為志坎為災初陰在下為奸細之

行志在窮災也得僮僕貞終无尤也注艮為僮僕得正

承三貞而无尤也旅焚其次亦以傷矣以旅與下其義

喪也注三動體剥故傷三變成坤坤爲下爲喪故其義

喪也義宜也旅于處未得位也得其齊斧心未快也注

以陽居陰故不得位終以譽命上逮也注逮及也謂二

上及也以旅在上其義焚也喪牛之凶終莫之聞也注

義亦宜也坎耳入兌故莫之聞也疏坎爲至災也○坎

逸象義荀子非十二子篇欺惑愚衆喬宇鬼瑣楊倞注

瑣者謂爲奸細之行初陰窮而在下爲奸細之行以取

災咎其志使然也○艮爲至尤也○此虞義也艮爲僮

僕虞氏逸象義以陰居陰得正也○三動至宜也○此

虞義也三變剥坤下艮上三變陰則剥象牛見故曰體

剥太元準剥爲割割古訓傷也故曰傷三變陰成坤坤

爲下爲喪虞氏逸象義易釋文馬云義宜也言三與二

在下卦而近於离宜其喪也○逮及至及也○此虞義

也

也說文解字唐逮及也唐疑衍字故曰逮及也二承三不應五五變成乾二來應五故曰二上及也逮又訓爲追漢書刑法志齊太倉令淳于公有罪當刑詔獄繫逮師古曰逮及也辭之所及則追捕之故謂之逮言二已承三五變陽爲正應二舍三而追應之○義亦至闡也○此虞義也易釋文喪牛之凶本亦作喪牛于易李心傳學易編云喪牛之凶可知宋本猶與釋文同也唐石經仍作喪牛于易今從釋文坎爲耳說卦文賁互坎初之四坎變爲兌是坎耳入兌也是

隨風巽君子以申命行事注君子謂乾也巽爲命重巽故

申命變至三成坤坤爲事震爲行故行事疏此虞義也乾謂遂乾

也巽爲命虞氏逸象義申重也兩巽相隨故申命也二變陰三變陰而成坤故曰變至三成坤此卽先庚三日

注中所謂變初至二成震至三成震也

進退志疑也利武人之貞志治也汪動而成乾乾元用九

天下治也終若之吉得中也注二處中也頻與之吝志

窮也注頻蹙不前其道窮也田獲三品有功也注五多

功九五之吉位正中也 與在牀下上窮也喪其齊斧

正乎凶也注陽居於上謂之上窮上應三三動失正故

正乎凶也

疏

動而至治也○此虞義也欲進欲退志疑也動而成乾者初動成乾也○五多功○

此虞義也五多功繫辭文二為田動而得正處中應五故曰五多功謂田有所獲也○陽居至凶也○此虞義也虞氏曰陽窮上反下故曰陽居於上謂之上窮也三為正應動而應上則失正矣正乎凶者謂失正則凶也

麗澤兌君子以朋友講習

注

麗讀如離坐離立之離離兩

也君子謂乾也伏艮為友坎為習震為講兌口相對朋

友講習也

疏

此鄭義也易釋文麗鄭作離故曰讀如離坐離立之離離坐離立禮記曲禮文鄭氏

氏彼注云離兩也禮記正義曰易象云明兩作離是離為兩也離澤兌者兩兌也乾大壯乾也兌為艮官六世卦故曰伏艮艮為友坎為習震為講虞氏逸象義兌口相對者兩兌口對講習之象也此兼虞義

和兌之吉行未疑也注震為行坎為疑孚兌之吉信志也

注坎為孚為志來兌之凶位不當也注從大壯來失位

位不當也九四之喜有慶也注陽為慶孚于剥位正當

也 上六引兌未光也注商為光疏震為行坎為疑○此虞義也四變陰

應初卦五體震震為行也卦又互坎二為坎爻比於初而非正應故曰行未疑也坎為疑虞氏逸象義○坎為孚為志○此虞義也二為坎爻所以坎為孚為志也○商為光○此虞義也惠徵君曰上應三三體商故稱光內卦互體見商與配火木入金宮火疆木弱故曰未光京房曰分貴賤於疆弱此之謂也

風行水上渙先王以亨于帝立廟注乾為先王震為帝為

祭艮爲廟坤殺大牲故以亨帝立廟疏

此虞義也乾爲先王虞氏逸象

義乾否乾也卦互體震故曰震爲帝爲祭震爲祭虞氏逸象義坤爲殺亦虞氏逸象義坤謂否坤周禮秋官司小司寇之職凡禋五帝實饗水納亨亦如之鄭注納亨致牲也亨以致牲故曰坤殺大牲也

初六之吉順也注否坤爲順渙奔其机得願也注坎爲思

思願也渙其躬志在外也注三與上應避險之外坎爲

志志在外也渙其羣元吉光大也注离爲光王居无咎

正位也注正位居五三陰順命渙其血遠害也注乾爲

遠坤爲害疏

三與至外也○三與上爲正應三將出坎避險而應上九矣外卦謂上九也○离爲

光○此虞義也三不當位變而成陽則四爲离之二爻故曰离爲光也○正位至順命○此虞義也三陰者初三四三爻也○乾爲遠坤爲害○此虞義也乾坤者否乾否坤也乾爲遠坤爲害虞氏逸象義爻辭渙其血去

遯出處讀渙其血去句遯出句朱震漢上易傳曰先儒讀渙其血作一句去遯出作一句以象考之畜從先儒又曰遯一本作惕與多白眼有惕懼之象然象曰遠害當從遯矣虞氏訓遯為憂說文惕或從愁蓋虞氏本作愁故訓為憂後人傳寫誤為遯遯古訓出无憂訓遯訓為出故象曰遠害子發之言是也惜舊注亡失姑從虞義

澤上有水節君子以制數度議德行注君子泰乾也艮為

制坤為度震為議為行乾為德上或為中疏此虞義也

卦自泰來

故曰泰乾卦互體艮震坤泰坤也艮為制坤為度震為議乾為德虞氏逸象義澤上有水侯果作澤中有水易釋文曰上或作中今不用

不出戶庭知通塞也注坎為通二變坤坤土雍塞不出門

庭凶失時極也注極中也二不得其位失中矣不節之

嗟又誰咎也

注

三爲節家君子雖失位嗟若其誰咎之

安節之亨承上道也

注

承上道者承九五也甘節之吉

居位中也

注

艮爲居五爲中苦節貞凶其道窮也

注

窮於上

疏

坎爲至雍塞○此虞義也坎爲通虞氏逸象義二變陰卦互體坤雍古塞字漢書溝洫志

無隄防雍塞之文故曰坤土雍塞也○極中至中矣○此虞義也詩周頌思文莫匪爾極毛傳極中也周禮天官以爲民極鄭注極中也令天下之人各得其中不失其所故曰極中也二居中而不得位失時極者猶言失其所得也○三爲至咎之○虞仲翔曰三爲節家君子雖不得位君子人也其誰咎之○艮爲居五爲中○此虞義也卦互體艮故曰艮爲居艮爲居虞氏逸象義

澤上有風中孚君子以議獄緩死

注

君子謂乾也坎爲獄

震爲議爲緩坤爲死乾四之初二出坎獄兌說震喜坎

獄不見議獄緩死也

疏

此虞義也乾訟乾也坎訟坎也震為緩虞氏逸象義乾四之初

者訟四之初成中孚則坎象不見矣二為出獄之人故曰二出坎獄

初九虞吉志未變也

注

志未變者謂應四也其子和之中

心願也

注

坎為心為思或歌或罷位不當也

馬匹亡

絕類上也

注

體與上絕有孚變如位正當也

翰音登

于天何可長也

注

陽窮於上其可長乎

疏

志未至四也○此荀義也

訟四之初體與上絕故不承五而應初矣志未變者謂四未變志也○坎為心為思○此虞義也說卦傳曰坎為心病故曰坎為心○體與上絕○此虞義也訟乾四之初坎初之四四為坎父雖與五上二父為類聚而坎體與乾體則絕也故體與上絕○陽窮至長乎○陽窮處上信不由中以此申命有聲无實虛音振天其可長乎

山上有雷小過君子以行過乎恭注君子謂三也上貴三

賤震爲行行過乎恭也喪過乎哀用過乎儉注坤爲喪

商爲目艮爲鼻坎爲涕淚震爲出體大過遭死喪過乎

哀也坤爲財用爲吝嗇用過乎儉也疏

君子至恭也○此虞義也卦自

晉來晉上之三也上貴三賤者繫辭曰三多凶五多功
貴賤之等也三處下卦之極故賤今仲翔謂上爲貴者
八宮卦次唯上爲世爻不變所以上爲貴也行過乎恭
者謂晉上之三貴易爲賤當致恭以順存其位○坤爲
至儉也○坤晉坤也商晉商也坎晉互體坎也艮爲鼻
坎爲涕淚虞氏逸象義自二至五互大過象大過二陽
死於四陰之中故爲死喪也此皆喪過乎哀之象坤爲
財用爲吝嗇虞氏逸象義吝嗇財用故用過乎儉也

飛鳥以凶不可如何也注四死大過不可如何也不及其

君臣不可過也注

坎三爲臣二之五爲艮所止從或戕

之凶如何也 弗過遇之位不當也往厲必戒終不可

長也注體否上傾終不可長矣密雲不雨已上也注謂

三坎水已之上六已上也弗遇過之已亢也注亢頤亢

也飛下稱亢晉上之三已亢也疏坎三至所止○此虞

晉爲互坎在小過爲艮爻艮止也二往應五爲三所止

乾五爲居坎三爲臣不及其君臣不可過之象○體否

至長矣○此虞義也卦體自初至四否象半見故曰體

否體否則四爲否之上爻否上九象傳曰否終則傾何

可長也是終不可長矣○謂三至上也○此虞義也坎

晉互坎也晉上之三三之上而成小過晉三爲坎爻故

曰已之上六坎水已上密雲不雨之象○亢頤至亢也

○此虞義也詩邯鄲風燕燕于飛頤之頤之傳飛而上曰

頤飛而下曰頤亢古頤字故曰亢頤亢也飛

下稱亢晉上之三者晉商飛鳥下翔之三也

水在火上既濟君子以思患而豫防之注治不忘亂疏此

荀

義也六爻得位各正性命乾元用九而天下治矣然有治必有亂知存而不知亡知得而不知喪聖人所懼故君子思患而豫防之

曳其輪義无咎也注謂得正有應也七日得以中道也注

二得中也三年克之憊也注坎為勞故憊也終日戒有

所疑也注坎為疑東鄰殺牛不如西鄰之時也注坎水

克商火故曰不如西鄰之時實受其福吉大來也注小

往大來濡其首厲何可久也疏坎為勞故憊也○此鄭虞義也易釋文鄭

云劣弱也陸作憊云當為憊又遂象有疾憊云鄭云困也憊說文訓憊也公羊嘖甚矣憊莊子山木篇貧也非憊也釋文司馬作病憊古訓為劣弱病困坎為勞故云○坎水至之時○五坎為月月出西方西鄰之時也二應在南商為日日出東方東鄰之時也坎水克商火西鄰以疆勝弱故東鄰不如西鄰之時也○小往大來○

小往大來者泰五之二也坤五之乾二小往也乾二之坤五大來也仲翔曰坤陰詘外為小往乾陽信內稱大來

火在水上未濟君子以慎辨物居方注艮為辨為居坤為

方疏

此虞義也艮為辨為居虞氏逸象義卦自否來艮否互體艮也侯果曰火性炎上水性潤下雖復同

體功不相成所以未濟也故君子慎辨物宜居之以道令其用功相得則物咸濟矣於義亦通

濡其尾亦不知極也注極中也九二貞吉中以行正也注

二中也震為行未濟征凶位不當也 貞吉悔亡志行

也注坎為志震為行君子之光其暉吉也注商為日暉

光也飲酒濡首亦不知節也注節止也艮為節疏也極中也

此虞義也初應四體坎五坎四居坎中而濡其尾是不知極也不知極者謂四也○二中也震為行○此虞義

也二動成陽而互震故曰震爲行○旁爲日暉光也○
此虞義也旁爲日者旁日之光也暉光也說文解字文
○節止也艮爲節○此虞義也節止也雜卦傳文說卦
傳艮其於木也爲堅多節故曰艮爲節不知節者因否
互艮而言引此以明艮之爲
節也飲酒濡首不知節矣

周易述補

周易述卷二十

門人江藩集注并疏

序卦傳

有天地然後萬物生焉

注天地乾坤也萬物者二篇之策

萬有一千五百二十當萬物之數也

疏二篇之策萬有一千五百二十

當萬物之數也繫辭文乾資始坤資生所以萬物生焉不序乾坤之次者崔憬曰以一生二二生三三生萬物則天地之次第可知而萬物之先後宜序也干寶曰物有先天地而生者矣今正取始於天地天地之先聖人弗之論也故其所法象必自天地而還老子曰有物混成先天地生吾不知其名彊字之曰道上繫曰法象莫大乎天地莊子曰六合之外聖人存而不論春秋穀梁傳曰不求知所不可知者智也而今後世浮華之學疆枝離道義之門求入虛誕之域以傷政害民豈非讒說殄行大舜之所疾者乎惠徵君曰令升此注似豫知後

世先天圖者其爲聖學之防也至深遠矣

盈天地之間者惟萬物故受之以屯屯者盈也屯者物之

始生也注陽動在下造生萬物於冥昧之中屯彖傳曰

雷雨之動滿形又曰剛柔始交而難生疏謂震初在下者

虞翻天造草昧注造造生也王弼元珠密語陽爲造生陰爲化源冥昧者即彖辭所謂草昧此荀氏義也雷雨之動滿形滿即盈也左氏傳屯固比入艸木之生不盈滿不堅固則不能生屯字从一从艸象艸木茁芽於地一者地也稽覽圖屯爲十一卦陽氣浸長物物萌芽故曰始生說文解字曰屯象草木之初生

物生必蒙故受之以蒙蒙者蒙也物之穉也注蒙幼小之

貌齊人謂萌爲蒙疏此鄭義也文選班孟堅幽通賦谷孤蒙之眇眇兮李善注曹大家曰

蒙童蒙也故云幼小之貌周禮秋官雍氏掌殺草春始生而萌之注杜子春日謂耕反其萌芽張揖廣雅釋詁

萌芽始也謂萌爲蒙聲之近也
也解說文解字曰幼禾也

物穉不可不養也故受之以需需者飲食之道也注坎在

乾上中有离象水火交和故爲飲食之道疏此荀義也

下自三至五互體离故曰坎在乾上中有离象坎水离火有亨飪之象也周禮亨人掌共鼎鑊以給水火之齊謂實水於鑊又鑊之以火是爲水火交和也

飲食必有訟故受之以訟注訟猶爭也言飲食之會恒多

爭也疏此鄭義也說文解字曰訟爭也禮記曲禮分爭辯訟非禮不決故曰訟猶爭也解詁不與而鄭

國亂烹羊不斟而宋人危飲食爭競遂至顛覆乾餱失德古人所以深戒也

訟必有衆起故受之以師師者衆也注坤爲衆物坎爲衆

水上下皆衆故曰師也凡制軍萬有二千五百人爲軍

天子六軍大國三軍次國二軍小國一軍軍有將皆命

卿也二千五百人爲師師帥皆中大夫五百人爲旅旅

帥皆下大夫疏

此九家易義也訟之不已必衆起相爭說文解字曰師從帀從自帀四帀衆意

也師衆也爾雅釋詁文坤爲衆坎爲水說卦文師卦坤上坎下故云服虔左氏解詁說此卦亦曰坎爲水坤爲衆也晉語坎水也衆也是坎爲衆水也凡制軍至皆下大夫乃周禮夏官司馬文文小異耳周禮下大夫下云百人爲卒卒長皆上士二十五人爲兩兩司馬皆中士五人爲伍皆有長鄭元注軍師旅卒兩伍皆衆名也伍一比兩一閭卒一旅旅一黨師一州軍一鄉家所出一人將帥長司馬者其師吏也言軍將皆命卿則凡軍帥不特置選於六官六鄉之吏自卿以下德任者使兼官焉春秋傳有大國次國小國又曰成國不過半天子之軍周爲六軍諸侯之大者三軍可也詩大雅常武曰赫赫明明王命卿士南仲大祖大師皇父整我六師以修我戎既饒既戒惠此南國大雅文王曰周王于邁六師及之此周爲六軍之見於經也春秋傳曰王使虢公命

曲沃伯以一軍爲晉侯此小國一軍之見於傳也命卿者周禮春官大宗伯之職六命賜官王之命卿也四命受器王之下大夫也又典命王之三公八命其卿六命其大夫四命鄭注四命中下大夫也賈疏云四命中下大夫者序官有中下大夫於此唯見四命大夫是知中下大夫同四命也典命公之孤四命以皮帛眠小國之君其卿三命其大夫再命其士一命侯伯之卿大夫士亦如之子男之卿再命其大夫一命其士不命此大國次國小國卿大夫之命數也

衆必有所比故受之以比比者比也注比備也猶親也亦

黨也人衆必有所比矣君子比則親備小人比則阿黨

疏比備也爾雅釋詁文彖傳曰比輔也下順從也輔與備同周禮夏官形方氏大國比小國鄭元注比猶親

也論語君子周而不比孔安國注忠信爲周阿黨爲比是比亦黨也方以類聚物以羣分人衆羣類則必有所比矣比一陽五陰以五陰順一陽則吉君子之比也以五陰比一陽則凶小人之比也

比必有所畜故受之以小畜注畜養也有衆不養則亂君

子以容民畜衆疏

比以五陰比一陽小畜以一陰畜五陽侯果曰四爲畜主指六四也陽大

陰小故曰小畜比之受畜有陰陽相反之義君子以容民畜衆象傳文虞翻注曰畜養也

物畜然後有禮故受之以履注履和而至履禮也人民育

然後可教之以禮孟子曰飽食煖衣逸居而無教則近

於禽獸疏

履禮也爾雅釋言文履和而至下繫文虞翻注曰謙與履通謙坤柔和禮之用和爲貴也

象傳曰君子以辨上下定民志所謂禮也王者之於民也必使養生送死而無憾然後教以禮義不育而教則救死不瞻奚暇治禮義哉

履而泰然後安故受之以泰泰者通也注乾來下降以陽

通陰疏

坤氣上升乾氣下降陽氣通陰天地交而萬物通故曰通也此荀義也姚信曰安上治民莫過

於禮有禮然後
泰泰然後安也

物不可以終通故受之以否注否泰之反也疏此虞義也

否反成泰雜卦傳否泰反其類也
物極則反故不終泰通而否矣

物不可以終否故受之以同人注否終則傾受以同人可

以通天下之志矣疏否終則傾象傳文天地不交則上

往不復所以否終則傾也同人象
傳曰唯君子為能通天下之志

與人同者物必歸焉故受之以大有注君子以類族辨物

善與人同人必歸己所以成大有也疏君子以類族辨

注曰師坤為類乾為族乾陽物坤陰物體垢天地相遇
品物咸章師坤為類者卦與師旁通也君子推己及人
善與人同由人及物各遂其
生品物咸章可謂大有之世

有大者不可以盈故受之以謙注處大有之世易生驕泰

之心人道惡盈而好謙疏禮記大學君子有大道必忠信以得之驕泰以失之人道

惡盈而好謙彖傳文滿招損謙受益君子之道也

有大而能謙必豫故受之以豫注處大有之世謙尊而光

則豫順以動而天地如之矣疏謙尊而光豫順以動故天地如之皆彖傳文鄭

元曰言國既大而有謙德則於政事恬逸雷出地奮逸豫出行而喜樂之意

豫必有隨故受之以隨注喜樂出入人必喜悅孟子曰吾

君不游吾何以休吾君不豫吾何以助此之謂也疏此鄭

義也豫為喜樂鄭元豫卦注曰豫喜逸悅樂之貌吾君不游吾何以休吾君不豫吾何以助孟子梁惠王章句晏子對齊景公引夏諺文君孟子作王趙歧注吾王不游吾何以得見勞苦蒙休息也吾王不豫吾何以得見

賑贍助不足也鄭君引此者以明人君之出百姓蒙休息得賑贍而喜悅也

以喜隨人者必有事故受之以蠱蠱者事也注喜悅隨人

必有事焉古者五史書五帝之蠱事疏隨君出入臣下有職事也尙書

大傳乃命五史以書五帝之蠱事所以蠱訓爲事也伏曼容曰蠱惑亂也萬事從惑而起故以蠱爲事如本卦

幹父之蠱裕父之蠱皆事也

有事然後可大故受之以臨臨者大也注二陽動升故曰

大也疏此荀義也謂九二以陽居陰不當位當升爲九五君臨天下陽稱大故曰大也靈樞經通天篇

太陰之人其狀臨臨然長大宋衷曰事立功成可推而大也

物大然後可觀故受之以觀注臨反成觀二陽在上故可

觀也疏此虞義也臨反成觀初二三陽升爲五六爻傳所謂大觀在上陽稱大故曰大觀崔憬曰言德

業大者可以
觀政於人

可觀而後有所合故受之以噬嗑嗑者合也注言可觀政

於人則有所合於刑矣

疏

卦辭曰利用獄故曰合於刑宋衷曰雷動而威電動而明

二者合而其道彰也用刑之道威明相兼若威而不明恐致淫濫明而无威不能伏物故須雷電並合而噬嗑備嗑者合也虞翻曰頤中有物食故口合也嗑合聲相近義從音出也

物不可以苟合而已故受之以賁賁者飭也注言物不可

苟合於刑當以文飭之

疏苟但也治天下者不可但威之以刑當以人文化成天下

也小雅白駒篇皎皎白駒賁然來思毛傳曰賁飭也

致飭然後亨則盡矣故受之以剝剝者剝也注賁無色也

剝落也至剝則文飭剝落盡矣

疏

賁無色也雜卦傳文虞翻注曰五動巽白

故无色也易釋文引馬融注曰剝落也貞至上九已爲白貞兼之五陰來剝文飭盡矣

物不可以終盡剝窮上反下故受之以復注易窮則變物

極則反其初矣疏

易窮則變下繫辭文五陰剝一陽陽將盡矣窮於上爲剝物極必反反於

下爲復陽從下舊剝上爻反爲復初爻故曰反其初也

復則不妄矣故受之以无妄注妄猶望也无所望則不妄

有爲矣疏

妄猶望謂无所希望也此馬鄭義見易釋文復反其本則爲誠實之行樂天知命豈復有

妄爲之事哉

有无妄然後可畜故受之以大畜注畜容也无妄誠實然

後能容物疏

左傳襄公二十六年右宰穀曰天下誰畜之杜預注畜猶容也大壯上之初成大畜

故曰大畜

物畜然後可養故受之以頤頤者養也注畜養也頤養也

畜物必觀其所養其所自養養正則吉不正則凶疏象傳

曰觀頤觀其所養也侯果注王者所養養賢則吉又曰自求口實觀其自養也宋衷注頤者飲食自養也君子

割不正不食況非其食乎在大畜曰不家食吉在頤曰養賢以及萬民

不養則不可動故受之以大過注人頤不動則死大過棺

鄒之象疏此虞義也下繫曰後世聖人易之以棺槨蓋取諸大過

物不可以終過故受之以坎坎者陷也注大過之終過涉

滅頂而人於坎窞矣疏過涉滅頂大過上六爻辭入于坎窞坎初六爻辭習說文解字

日坎中
小坎也

陷必有所麗故受之以離離者麗也注麗附也水流地中

水附地也日月麗乎天百穀草木麗乎土者也陷於地者必有以麗乎天疏禮記王制郵罰麗於事鄭元注麗附也日月麗乎天百穀草木麗乎土彖傳文易釋文土王肅本作地水附於地故曰陷於地也陷於地者必有以麗乎天物極則反之意此崔憬義也

有天地然後有萬物有萬物然後有男女有男女然後有夫婦然後有父子有父子然後有君臣有君臣然後有上下有上下然後禮義有所錯注天地否也不反成泰天地靈靈萬物化醇泰已有否否三上反正成咸艮爲男兌爲女咸反成恒震爲夫巽爲婦咸上復乾成遂乾爲父艮爲子遂三復坤成否乾爲君坤爲臣否

乾君尊上坤臣卑下錯置也

疏此虞義也乾坤升降成

定既濟坎離也物不可以終窮以未濟終焉上經終以坎離者水火相射亦未濟之意也水火相射則天地不能定位而否塞矣是以虞君以否之天地釋下經之天地也否反成泰陰陽氣通萬物化生矣天地壹壺萬物化醇下繫文否三反上成咸者謂否之六三與上九易位而成咸六三以陰居陽反而為陽得其正也咸艮下兌上故曰艮為男兌為女也咸反成恒到卦也恒巽下震上故曰震為夫巽為婦說卦傳震一索而得男故謂之長男巽一索而得女故謂之長女長男為夫長女為婦也咸上復乾咸遂者咸上六以陰居陽復正成陽咸上卦成乾乾上艮下而為遂矣故曰乾為父艮為子也遂九三復而成陰坤下乾上而成否復者復為否也乾為君說卦文坤文言傳曰地道也妻道也臣道也故曰坤為臣否乾君尊上坤臣卑下上繫天尊地卑乾坤定矣荀爽曰謂否卦也論語孔子曰舉直錯諸枉包咸注錯置也史記周本紀成康之際天下安寧刑錯四十餘年不用應劭曰錯置也民不犯法無所置刑禮記曲禮曰君臣上下父子兄弟非禮不定故曰禮義有所錯義

宜也禮
之宜也

夫婦之道不可以不久也故受之以恒恒者久也注夫婦

當有終身之義夫婦之道謂咸恒也

疏此鄭義也禮記郊特牲曰壹與

之齊終身不改故夫死不嫁班固白虎通曰夫有惡行妻不得去者地無去天之義也夫雖有惡不得去也此所謂夫婦當有終身之義咸反成恒震夫巽婦故曰夫婦之道謂咸恒也

物不可以久居其所故受之以遂遂者退也注二陰當位

陽氣將退陰氣浸長小人將害君子之象君子不可以

久居其位當隨時遂避以遠害遂逃去之名疏

二陰當位者六

二以陰居陰得中當位虞翻曰陰消遘二也艮為山巽為入乾為遠遠山人藏故遂以陰消陽小人道長避之乃通故遂而通則當位而應與時行也故曰當隨時退避以遠害也鄭元曰遂逃去之名說文解字遁遷也一

曰逃也遯逃也班固漢書敘傳攜手遂秦應劭曰遂逃也師古曰遂古遯字易釋文又作遂又作遁同隱退也
遯迹避時奉身退隱之謂案遁遯遂一字也

物不可以終遂故受之以大壯注賢人不可終隱終隱則

天下不治遂反成大壯二陰消弱小人道消君子可以

尚往矣疏

遂反成大壯者遂到成大壯耳二陰謂六五上六二爻也象傳曰藩決不羸尚往也故曰

君子可以尚往矣

物不可以終壯故受之以晉晉者進也注壯陽尚往必有

所傷君子以自昭明德則進於德矣疏

大壯尚往不明明德則小人用

壯君子用罔陸希聲曰罔讀爲剛不能惕厲必至不能退不能遂矣馬融曰壯傷也郭璞云今淮南人呼壯爲傷故曰必有所傷君子以自昭明德象傳文說文解字曰晉進也日出萬物進易釋文孟作齊齊子西反義同

進必有所傷故受之以明夷夷者傷也注進極當降復人

於地日在坤下其明傷也

疏

此九家易義也晉坤下商上商為日坤為地明出地

上之象到晉成明夷日昃之商入於地矣商為目故曰其明傷也

傷於外者必反於家故受之以家人注晉時在外家人在

內疏

此虞義也虞氏明夷注臨二之三而反晉也此四陰二陽之例蓋明夷晉臨三卦皆四陰二陽臨九

二之三六三之二而成明夷與晉相反然臨卦無商晉卦有商而在外卦故曰晉時在外明夷與家人商在內卦故家人在內也春秋左氏傳昭五年初穆子之生也莊叔以周易筮之遇明夷之謙以示卜楚邱曰明夷日也日之數十故有十時虞氏以初登于天為晉時後入于地為明夷時蓋本諸此

家道窮必乖故受之以睽睽者乖也注婦子嘻嘻過在失

節失節則窮

疏

此崔憬義也婦子嘻嘻失家節也象傳又鄭元曰嘻嘻驕佚喜笑之意乖說文

解字曰辰也玉篇曰睽也邪也背也差也離也

乖必有難故受之以蹇蹇者難也注二女同居志乖難生

坎險在前故曰難也疏此崔憬義兼虞義也睽象傳曰二女同居其志不同行二女商

兌也水火性反乖而難生矣坎險在前者謂蹇坎也象傳曰蹇難也險在前也易正義疏引陸績曰水在山失流通之性故曰蹇通水流下今在山不得下流蹇之象蹇難之義也蹇本作蹇蹇蹇之變體耳易述作蹇

今從其舊

物不可以終難故受之以解解者緩也注蹇終則吉疏蹇

六往蹇來碩吉故云蹇終則吉京房易傳曰解散也玉篇釋也險難解釋物情舒緩故曰解者緩也

緩必有所失故受之以損注若罪緩死失之則有損於政

刑矣疏此崔憬義也象傳曰雷雨作解君子以赦過宥罪故曰宥罪緩死也失之者謂刑罰不中也

損而不已必益故受之以益注損終則弗損益之故言損

而不已必益疏此崔憬義也弗損益之損上九爻辭

益而不已必決故受之以夬夬者決也注夬分決也益之

不已則小人進矣小人乘君子當決而去之疏夬分決也說文

解字文鄭康成曰夬決也陽氣浸長至於五而陰先之陰謂上六也廣韻益進也用人無術邪正並進故曰益之不已則小人進矣五以陽居尊位而上六乘之所當夬去者所謂剛決柔也

決必有遇故受之以遯遯者遇也注君子夬夬獨行遇雨

故言決必有遇疏此崔憬義也君子夬夬獨行遇雨夬九三爻辭荀爽曰謂一爻獨上與陰

相應也夬到成遯則一陰獨下與剛相遇矣遯本作姤經典釋文薛云古文作遯此從古文也俗本誤必有所遇李鼎祚周易集解唐石經皆無所字

物相遇而後聚故受之以萃萃者聚也

注天地相遇品物

咸章萬物會合矣萃聚也聚會也

疏

天地相遇品物咸章遇彖傳文荀爽

注謂乾成於巽而舍於离坤出於离與乾相遇南方夏位萬物章明是萬物會合也詩陳風有鵲萃止毛傳萃集也聚會也說文解字文皆會合之義京氏易傳澤上於地積陰成萃謂坤爻三陰聚於下也說卦傳坤為衆虞氏逸象義曰坤為聚

聚而上者謂之升故受之以升

注

萃為積小升成高大

萃聚也積聚之義故曰萃為積小升易釋文馬云高也故曰升成高大升象傳曰君子以順德積小以高大下經釋文云升序卦云上也上音時掌反序卦釋文云而上時掌反合而觀之所謂上也即而上耳非陸所見本也

升而不已必困故受之以困

注

冥升不富則困窮矣

疏

上升

六冥升利于不息之貞荀爽注坤性暗昧今升在上故曰冥升也陰用事為消陽用事為息陰五在上陽道不息陰之所利故曰利于不息之貞又象傳冥升在土消不富也荀注陰升失實故消不富也益進極則退升極則消升之不已未有不困窮者也
易釋文困窮也窮悴掩蔽之義

困乎上者必反下故受之以井注困極於倪倪反下以求

安疏

此崔憬義也困上六爻辭曰困于葛藟于倪倪倪

上者必反下也君為上民為下為人上者倪倪不安當懷保小民以求治安之道體國經野取民有制則井養不窮矣

井道不可不革故受之以革注革更也舊井當渫去穢濁

而更新之疏

易釋文革馬鄭云改也說文解字革獸皮

字除去也廣韻治井也渫去穢濁荀爽井渫不食注

革物者莫若鼎故受之以鼎注革去故鼎取新疏到革成鼎革去

故也鼎取新也雜卦傳文

主器者莫若長子故受之以震震者動也注震為長子鼎

祭器長子祭主也動萬物者莫疾乎雷故曰震者動也

疏鼎祭器者儀禮少牢饋食雍人陳鼎五有司徹羊豕魚三鼎故知祭祝用鼎也長子祭主者震彖傳日出

可以守宗廟社稷以為祭主動萬物者莫疾乎雷說卦傳文

物不可以終動止之故受之以艮艮者止也注動極悔生

靜以止之疏上繫震无咎者存乎悔虞翻注曰震動也

者善補過故存乎悔也動之極則不能補過矣故悔生也禮記大學云知止而后有定定而后能靜時止則止

非知止乎動靜不失其時斯無過矣

物不可以終止故受之以漸漸者進也注止而巽動不窮

也艮為止巽為進疏止而巽動不窮也漸彖傳文艮六五變而成漸艮下巽上是止而巽

也巽者人也故曰巽為進此虞氏逸象義

進必有所歸故受之以歸妹注父之反也疏此虞義也漸

故漸卦辭女歸吉虞注反成歸妹兌也

得其所歸者必大故受之以豐豐者大也注豐大也帝乙

歸妹必大國也婦人謂嫁曰歸疏帝乙歸妹六五爻辭婦人謂嫁曰歸詩江

有沱毛傳文王姬下降非二王之後必異姓諸侯故曰必大國也

窮大者必失其居故受之以旅注有豐必有寡窺其戶室

其无人窮大失居之象旅羈旅也疏雜卦傳豐多故親寡旅故曰有豐必

有寡猶夫日盈則昃月盈則虧天地循環之道也窺其
戶室其无人豐上六爻辭室无人焉是失其居矣春秋
左傳莊二十二年齊侯使敬仲爲
卿辭曰羈旅之臣杜預注旅客也

旅而无所容故受之以巽巽者入也

注乾初入陰

疏此虞

乾初入陰者謂乾初爻變成巽也旅
人號咷无所容矣故受之以巽也

入而後說之故受之以兌兌者說也注兌爲口舌說解也

羈旅之臣入人之國必以說進然後能得入主之喜說

說服也疏

詩衛風氓士之耽兮猶可說也毛傳說解也
兌爲口舌言說之象蓋去國之人見他國之

君或以堯舜之道說其君或以雜霸之道說其君等而
下之卽從橫堅白皆以說干時主也時主說其說而服
從則爵祿可得矣說服也爾雅釋詁文郭注謂喜而服
從也說悅古今字諸家皆音悅虞仲翔注兌爲講習故
學而時習之不亦說乎仲翔以入而後說之爲講說之
說當音失燕切矣兌者說也爲喜說之說則當音闕矣

今從虞讀說古亦作兌禮
記學記引說命作兌命

說而後散之故受之以渙渙者離也注渙其羣其佐多賢

也人君說賢者之道使賢者散處卿大夫之位疏渙其羣元

吉六四爻辭也虞翻注風以散物故離也

物不可以終離故受之以節注節以制度天高地下萬物

散殊而禮制行矣疏節以制度彖傳文天高地下萬物散殊而禮制行矣禮記樂記文又

曰天尊地卑君臣定矣卑高已陳貴賤位矣動靜有常小大殊矣方以類聚物以羣分則性命不同矣蓋天地尊卑君臣定位之後萬物之散殊於天地間者節之以禮則以類聚以羣分矣故曰禮者天地之別也易釋文節止也明禮有制度之名

節而信之故受之以中孚注節信也孚信也傳曰信不由

中質無益也

疏

周禮地官掌節鄭注節猶信也行者所執之信禮記聘義字尹旁達信也故曰

節信也孚信也信不由中質無益也春秋隱三年左傳文引之以釋中孚之義

有其信者必行之故受之以小過

注

小過小者過而亨也

過度也震為行人無信不行

疏

小過小者過而亨也彖傳文謂守經經之信而

不知大體所以可小事不可大事也說文解字過度也度越行之義也震為行虞氏逸象義謂小過上卦論語曰人而無信不知其可也大車無輓小車無輓其何以行之故是人無信不行也

有過物者必濟故受之以既濟

注

屈己從人必有濟也疏

行過乎恭喪過乎哀用過乎儉屈己之欲從眾之善事有成矣濟成也春秋左傳僖二十年宋襄公欲合諸侯臧文仲聞之曰以欲從人則可以人從欲鮮濟

物不可窮也故受之以未濟終焉

注

易窮則變疏易窮則變變則

通下繫文乾升坤降成既濟定易道窮矣故彖傳曰終止則亂其道窮也

雜卦傳

乾剛坤柔比樂師憂

注

乾陽故剛坤陰故柔比五得位建

萬國故樂師三失位輿尸故憂疏

此虞義也乾為金金堅故剛也坤純陰故

柔也文言曰坤至柔象傳曰地上有水比先王以建萬國親諸侯先王之德光被四表絕域殊俗皆來親比不亦樂乎比五得位者謂坎二也師二上之比五也師六三師或輿尸凶失律喪師能無憂乎論語曰子之所慎齊戰疾傳曰外寧必有內憂是師貞皆寓憂懼之意不獨三爻也

臨觀之義或與或求注教思无穷與也觀民設教求也疏

此苟義也教思无穷臨象傳文教人之道猶之以物與人也觀民設教觀象傳文觀民設教先王所以求治也

屯見而不失其居蒙雜而著震起也艮止也損益盛衰之

始也大畜時也无妄災也萃聚而升不來也噬輕而豫
怡也噬嗑食也賁无色也兌見而巽伏也隨无故也蠱
則飭也剝爛也復反也晉晝也明夷誅也井通而困相
遇也咸速也恒久也渙離也節止也解緩也蹇難也睽
外也家人內也否泰反其類也大壯則止遂則退也大
有衆也同人親也革去故也鼎取新也小過過也中孚
信也豐多故親寡旅也注陰出初震故見殷桓利居貞
故不失其居蒙二陽在陰位故雜初雜爲交故著震陽
動行起也艮陽終止止也損泰初益上衰之始損否上
益初盛之始萃五之復二成臨時舍坤二故時也无妄

上之遂初子弑父故災也坤聚在內升五不來之二故
不來之內日來賺位三賤故輕豫薦樂祖考故怡怡或
言怠也頤中有物故食賁离日在下五動巽白无色也
兌陽息三故見見龍在田也巽乾初入陰故伏也否上
之初君子弗用故无故也蠱泰初上飭坤故則飭也剝
生於遘陽得陰果熟故爛復剛反初也誅傷也离日在
上晝也明入地中故誅也泰初之五爲井故通也困三
遇四相遇也相感者不行而至故速日月久照四時久
成故久渙散故離節制數度故止雷動出物故緩蹇陰
在前故難离女在上外也家人女正位乎內故內者也

否反成泰泰反成否大壯止陽陽故止遂陰息陽陽故
退巽爲退五陽並應衆也夫婦同心親也革更故烹飪
取新五以陰過陽故過信及豚魚故信豐大故多旅无

容故親寡

疏此虞義也屯十二月卦陽始沒長而交於

成震故陰出也見易釋文鄭讀如字納甲三日震象出
庚月陰也月出於東而人仰見之是陰出初震故見也
般桓利居貞初九爻辭蒙二陽在陰位者謂二與上也
陰陽之氣雜卽九六之變九變六六變九而成著漢書
律歷志天以一生水地以二生火天以三生木地以四
生金天以五生土五勝相乘以生小周以乘乾坤之策
而成大周陰陽比類交錯相成故九六之變登降於六
體三微而成著三著而成象十有八變而成卦四營而
成易蒙物之始生故曰初雜爲交損泰初益上者泰初
之上而成損也損否上益初者否上之初而成益也大
畜與萃旁通故曰萃五之復二成臨也萃下卦坤二舍
坤成臨臨八月之時也无妄上之遂初者虞氏四陽二

陰之例所謂非大壯從遁來也剝上之初爲復遂上之
初爲无妄剛自外來故知上也惠徵君曰京房易復卦
曰崩來无咎謂剝艮上爻反初故彖云剛反動遂上爻
反初爲无妄亦復卦之例六爻反復漢易如是虞氏遂
卦注陰消消遺二也艮爲山巽爲入乾爲遠遠山入藏故
遂以陰消陽子弑其父小人道長避之乃通是子弑父
故災也坤萃之內卦坤爲聚虞氏逸象義故曰坤聚在
內坤爲升之外卦虞氏彖傳柔以時升注柔謂五坤也
升謂二坤邑无君二當升五虛蓋以五與二不當位易
位則陰陽當位然五之二成解解散也故曰不來也之
內曰來虞氏之卦義嫌五陰一陽九三有君象焉故象
傳曰萬民服也下繫曰三多凶五多功貴賤之等也五
處上故尊三處下故賤是嫌位三賤故輕也豫彖傳曰
先王以作樂崇德殷薦之上帝以配祖考故曰豫薦樂
祖考也怡本作怠易釋文京作治虞作怡說文解字曰
怡和也大樂與天地同和故仲翔以怠爲怡也或言怠
者他本作怠易釋文怠如字姚同是或言怠也逸豫久
則懈生有君子戒慎之意於義亦通且怡怠二字皆從
心皆從台得聲訓故雖不同然而形聲可以假借也頤
中有物曰噬嗑彖傳文貴离下艮上故曰賁离日在下

賁上卦六五以陰居陽動而成陽變巽巽爲白說卦傳
文兌陽息三者謂乾坤消息也乾六爻二四上以陽居
陰坤六爻初三五以陰居陽皆不得正乾息成離故曰息
定位成兩既濟兌三匪正兌二匪正消息成離故曰息
三也二爻變陰離爲見是見龍在田也坤初陰消乾成
巽巽者入也序卦傳文否上之初者虞氏三陽三陰之
例否坤下乾上上之初初之上而成隨當否之世不利
君子君子不爲世用小人不能爲害儉德避難之時所
以无故也蠱泰初上飭坤者亦三陽三陰之例也易釋
文飭整治也鄭本王肅作飾陽爲君子陰爲小人泰初
陽爻之坤入坤邑而治之故曰則飭也剝生於遯者謂
乾卦初陽變陰成遯自初爻遯變至五爻而成剝遯初
陰爻剝上陽爻陰陽之氣成四時之序陰陽和四時調
然後穀果成熟專言果者取上九碩果之象也說文解
字曰爛熟也剛反初者上九反下爲初九而成復序卦
傳所謂窮上反下也誅易釋文荀云滅也离日在上謂
晉坤下离上晝日三接取象於南明夷离下坤上明入
地中是日光滅而不明之象夷傷也誅訓爲傷亦訓爲
滅誅與夷皆有傷滅之義泰彖傳曰則是天地交而萬
物通也故曰通也困六三與上六皆不當位當應不應

初六與六三亦當應不應京房曰六三一爻上下不應陰陽不交二氣不合是也六三无匹求偶於四故曰困三遇四周禮春官大宗伯冬見曰遇鄭注遇偶也彖傳曰戚戚也柔上而剛下二氣感應而相與繫辭曰不疾而速不行而至以德感人天地萬物感而相與教化流行速於置郵傳矣日月得天而能久照四時變化而能久成恒卦彖傳文渙者離也序卦傳文節象傳曰節以制度不傷財不害民解彖傳曰雷雨作而百果草木皆甲坼故曰雷動出物解者緩也序卦傳文荀爽曰仲春之月草木萌芽雷以動之雨以潤之日以烜之百果草木應時發生各以其序故曰緩也寒彖傳曰寒難也險在前也險謂坎陰也睽內卦兌外卦離女正位乎內彖傳文否泰到卦也終日乾乾反復之道大壯與遂亦到卦也大壯陽息泰也泰四變陽成大壯爻例初爲止初九壯于止初應四故止也遁陰息陽息當爲消字之誤也謂陰消遁二也遯九二變陰成遂二爲互體與卦之初爻與爲進退說卦傳文大有五陽一陰彖曰大有柔得尊位大中而上下應之是五陽並應也同人與師旁通師震爲夫巽爲婦二人同心故親也革更也改也去故之謂王充論衡曰火金殊氣故能相革烹飪之事汲

新烹鮮魚餒肉敗所不取焉虞翻曰小謂五柔得中故
可小事大謂四剛失位而不中故不可大事五以陰處
九四之上四既不可大事又不可小事五雖不可大事
而可小事其柔中之德過於四矣信及豚魚彖傳文豐
大也旅而无所容皆序卦傳文豐多故易釋文眾家以
此絕句荀本豐多故親絕句寡旅也別為句此從虞讀
仲翔曰六十四卦皆先言卦後道其指至旅體離
四焚棄之行又在旅家故獨先言親寡而後言旅

離上而坎下也

注火曰炎上水曰潤下

疏

水曰潤下火曰炎上周易洪範

文商為火

坎為水

小畜寡也履不處也

注

四為畜主寡也素履无咎不處不

義之富貴

疏

小畜以一陰畜五陽陽眾陰寡也象傳曰素履之往獨行願也獨行君子不處不義

之富

貴

需不進也訟不親也

注

險在前故不進訟終凶故不親

疏

險坎險也前謂外卦也不和成訟終凶則不和之甚矣和親也

大過顛也

注

顛殞也過涉滅頂顛也

疏

此虞義也顛當作

高下也故亦訓為隊又訓為覆為路為仆為倒隊水滅頂顛覆之象說文解字顛頂也或云滅顛即滅頂於義

通亦

遘遇也柔遇剛也漸女歸待男行也頤養正也既濟定也

歸妹女之終也未濟男之窮也夬決也剛決柔也君子

道長小人道憂也

注

柔坤也剛乾也兌為女艮為男反

成歸妹與成兌故女歸待艮成震乃行養正者養三五

也五之正為功三出坎為聖與蒙以養正聖功同義也

既濟六爻定位故定也從一而終女之終也否艮為男

位否五之二六爻失正而來下陰未濟主月晦乾道消

滅男之窮也剛決柔者乾決坤也乾為君子坤為小人

疏

此虞義也到漸成歸妹兌為女謂歸妹兌也艮漸之

諸匹配若無父兄之命終屬苟合所以必待震兄為昏

主也頤三五之正則頤貞吉故云養三五也說見頤卦

疏三之正則卦體互坎三為坎爻故曰出坎虞翻繫辭

注在坎則聰坎為耳耳司聽聽必聰故以坎為聰風俗

通曰聖者聲也聞聲知情故曰聖也是以坎為聖也仲

翔蒙卦注曰體頤故養五多功聖謂二亦以坎二爻為

聖是與養正聖功同義既濟各正性命陰陽定位矣女

終於嫁一與之齊終身不改非女之終乎否二之五成

未濟否互艮為男位否二之五五之二而六爻失正下

陰者謂九五之二反居六五之下坎為月晦為日月上

日下為望日上月下為晦故未濟月晦既濟月望也納

甲之說乾盈於甲至月晦則乾道消滅矣夫獨陰在上

乾陽息坤至九五而坤陰盡矣小人道衰之憂鄭康成

本作消虞仲翔曰自大過至此八卦不復兩卦對說大

過死象兩體邁夫故
次以邁而終於夫

周易述補終